

ICONES
INSECTORVM

PRAESERTIM
ROSSIAE SIBIRIAEQUE
PECVLIARIVM

QVAE
COLLEGIT ET DESCRIPTIONIBVS
ILLVSTRAVIT
PETRVS SIMON PALLAS
M. D.
ACADEMICVS PETROPOLITANVS.



ERLANGAE
SYMTV WOLFGANGI WALTHERI,
cIo Ic cclxxxL

*Saltem remoto , des pater , angulo
Horas senectae ducere liberas ;
Tutumque vulgari tumultu
Eripias , hominumque curis.*

G R A Y.

483
R8 P16
1791
SCNHRB

ILLVSTRI ATQVE CELEBERRIMO
V I R O
NATVRAE INDAGATORI FELICISSIMO
I G N A T I O A B O R N

S. R. I. NOBILI ET EQVITI

DOMINO IN ALTZEDLITSCH, LVKAVEZ ETC.

S. CAES. R. MAESTATIS IN REBUS METALLARIIS ET MONETARIIS
CONSILIARIO, ACAD. IMPER. PETROPOL. REG. HOLMIENS.

ALIORVMQVE SOCIO

PRIMITIAS ENTOMOLOGIAE
ROSSO - ASIATICAE

IN DEDITISSIMI ANIMI MONIMENTVM

D. D.

PETRVS SIMON PALLAS.

I. Pearl is not sufficient
Acquainted to know if the Plates
to this Work Should End With Tab: G
if So they are Right from A to F -
Some more Text must be wanting
as it Ends with the Descript. of
Aug 27 Tab: L to finish this Tab:
& Tab H
B. the Text Part is Right to Tab -
But must be cut
and after M -

G. B. Mac

J. B. Hall, Clarence Place, Pentonville, London, is Counterfeiter.
A Bill of Directions accompanies each Article, which, if not signed by
every time it is used, as there will be found in general a Rediment, which is the
refined part of the preparation: it is applied to the skin in the same man-
ner as the Turkish Wash.

every

a Liquid, is ready for immediate use, taking care to shake the Bottle well
THE CREAM OF VIOLETS being partly prepared from the foregoing Articles, in

DIRECTIONS FOR USING THE CREAM.

Lithes of Soaps in general use?
Directions for Violet Soap; a convincing proof of the pernicious qua-
resembling in Water any length of Time, it will waste six times as much in
make the Experiment, for it is well known that a piece of common Soap
the end than Common Soap. For the truth of this affirmation, let any Person
wash a Face, a Pillow, washing once a day, Three Months! and is cheaper in
the same Share, are a mere Carteriany, and cause the Skin to chap, and appear
now offered to the Public under the Title of Violet Soap, made up in the
the use of Soap, to accommodate that end; and as the inferior kinds of Soap
CLEANLINESS being conducive to health, it is utterly impossible, without

VIOLET SOAP.

face and neck, when it will leave a perfect evenness on the skin.
becoming dry, to apply the hand or a soft towel, rubbing it gently over the
well wiped the face and arms agreeable to the foregoing Directions, on their
ed by perseverance in this innocent Article. It will be necessary, after having
it will give to the Complexion that delicate fairness which is only to be attain-
Turkish Wash on it, and wash the Skin, when, after a few repetitions,
cessarily to apply Soap previously) then take a cloth soft Towel, and pour a little
a Day, taking care to shake it every time before it is used: (it is absolutely ne-
TAKES the contents of the Box, and put it into a clean Bottle, with a gilt of

THE TURKISH WASH.

DIRECTIONS FOR PREPARING FOR USE.



PRAEMONENDA.

llustris quondam LINNAEVS nihil magis in votis
habuit, quam ut Insecta Sibiriae innotescerent.
Et utique nullius, in Orbe arctico nostro, regionis minus,
quam hujus Entoma innotuerunt. Hoc ipsum excitabat me,
ut, durante itinere per Imperium Russicum ab Ao. 1768.
ad 1774. continuato, assiduam in colligendis iis operam
navarem. Neque carui successu, quum plurimas ex omni
genere novorum Insectorum Centurias passim collegerim,
ut e Fauna Imperii Ruthenici, propediem typis tra-
denda, satis elucebit. —

Plura quidem ex his notatu digniora in Appendi-
cibus ad Itinerarii germanico sermone editi Volumina
descripsi; sed gratius Curiosis me facturum putavi, si

PRAEMONENDA.

selectiorum specierum, quae vel singularitate formae se commendant, vel ob similitudines aegrius distinguuntur, etiam Icones, praesertim vivis coloribus illustratas ederem. Id vero Chalcographorum in urbe, ubi tantisper vivo, subtiliori operi aptorum defectu forte diu differendum fuisset, nisi sua solita in me benevolentia chalcographicae rei curam in se suscepisset Ill. & Celeberrimus SCHREBER, licet tot aliis laboribus, & illustri praesertim Zoologiae Codice, distentus. Qua Ejus amica opera effectum est, ut Tabulae jam ante triennium & quod excurrit, a pictore paratae, Insectis praesertim Sibircis commendabiles, nitidissime & accuratissime in aere expressae nunc divulgari queant, tanquam novum Celeberr. SCHREBERI erga me amicitiae, & in publicum Studii nostri incrementum non satis celebrandi affectus testimonium.

Prodeunt igitur, sub auspiciis exoptatissimis, Insectorum Rossiae & Sibiriae praesertim peculiarium Icones primae, quas exquisitiore arte & coloribus suis expressas vedit orbis. Quandoquidem vero pleraque horum, ut in frigidioribus locis Naturae lege sancitum est, non bene magna statura gloriantur: ad ornandas tabulas aliqua passim Indiae utriusque Insecta inserui, quorum figurae nullae bonae extabant; immo ut genera quaedam, hacte-

PRAEMONENDA.

*nus negligenter tradita, v. gr. Buprestidum, Tenebri-
num, Meloïdum, illustrarem, omnes fere, quas collige-
re potui, species eorundem, nisi quae notissimae videban-
tur, adjeci. Eo, & quod mora aliquot annorum in
edendis hisce Tabulis facta est, quaedam interim, sed
paucae admodum species mihi delineatae, in aliis recen-
tissimis opusculis passim depictae prodierunt; unde repe-
titionis vitium, quod alias cane pejus & angue odi, ne-
cessario committendum fuit invito. Attamen vix in tri-
gesimum quodque, delineandorum hisce tabulis Insecto-
rum, ista culpa cadet, si illa exceperis, quae a pessimis
chalcographis prodiere, & quasi pro nondum delineatis
habenda sunt.*

*Vt curiosis emptio esset facilior, placuit non ma-
gnis Fasciculis has edere Tabulos, tres circiter in singu-
lo, quantoque fieri potuit numero Figurarum confertim
obsitas. Dum vero sic particulatim prodeunt, vereor
ne Editores Promptuariorum & Compilatores, quibus,
praesertim in Germania nostra, misere hodie abunda-
mus, meliora hinc decerpant, suisque inserant Cento-
nibus, ut emantur ipsi & superfluum emitoribus reddant
fontem e quo hauserant. Fecerunt hoc in multis, fece-
runt in Spicilegiis Zoologicis quorum discepta lace-
raque fragmenta illico in nescio quot libros transferunt;*

PRAEMONENDA.

eoque mirum quantum iis, qui nova inventa in Scientia Naturali publicare volunt, nocent & obstant, deterrendo Bibliopolas, qui ejusmodi operum & tabularum expensas primas necessario detrectant, quum non sibi sed alius lucrum inde esse vident. Hos itaque male officiosos laudatores rogaverim, ut ab hisce saltem Tabulis manus abstineant, ne nos cogant ita lente procedere, ut in Spicilegiis coactus facio, imo forte coepto abstinere adigant. Dab. Petropoli Augusto mense Anni MDCCLXXIX.



INSE-



INSECTORVM DESCRIPTIONES.

A I. *LVCANVS?* APTERVS;

Tab. A. Fig. 1: a. b. c.



ubhemisphaericus, ater, opacus; thorace convexo,
marginato, elytra brevissima coalita subaequante.

? *Scarabaeus radicis* Helenii *VALISNER.* *oper. I.* p. 79. *tab. 6. fig. 1. 2.*

Scarabaeus cephalotes *PALL.* *itin. I. append.* p. 461. n. 23. *GÖTZE entom. I.*
p. 116.

Lucanus apterus *LAXMAN.* *Nov. Com. Petrop. Tom. XIV.* p. 594. *tab. 24. fig. 1.*
Lethrus SCOPOL. *introd. in hisl. nat.* p. 439.

Occurrit in australis Russiae, Tatariaeque desertis aridis, passim
sub fimo sicco & circa radices plantarum perennium & suffrutescentium;
mihi omnium primo circa Lacum salsum Inderensem lectus, dein ad
Volgam versus Astrachaniam. Insectum, verosimilime a *Valisnero* indi-
catum, anomalum, inter Lucanos & Scarabaeos Coprideos ambiguum,
simil affine *Tenebrionibus* apteris.

A

DESCRIPTIO.

Specimina a me ipso lecta, iconum magnitudinem (fig. I. a. b. c.) referabant; sed duplo majora e Russia australiore communicavit cel. LAXMAN, paremque ex Austria misit Ill. Eques à BORN.

Caput magnum, praesertim masculis, antice submarginatum, lamella utrinque ante oculos horizontali auriculatum. *Oculi parvi*, prominuli, expansione ejusdem lamellae transversim bisecti.

Forcipes exsertae, magnae (foeminis capite minores) triquetrae, hiulcae, obtusac; *maribus* subtus ramo furcatae, qui in majoribus utrinque aequales & in medio fere forcipum oblique deorsum exserti, ipsaque forcipe majores sunt; at in minoribus meis exemplis saepius dextra maxilla tantum apice subbifida, sinistra usque ad basin diffissa. *Foeminis* forcipes lunatae, interiore acie denticulatae. In utroque sexu *labium* bilobum supra os; *palpi* inter forcipes trium parum, biarticulati, pilosi.

Antennae subinfractae, pedunculo brevi, cylindrico, apice pilis ciliato, clava solida oblique truncata, umbilicata, intermediis articulis se- ptenis aequalibus.

Thorax convexus, abdomine latior, marginatus, antice profunde exsectus, angulo utrinque prolixo rotundato; postice isthmo, qui scutelli locum tenet, ab elytris subremotus.

Abdomen, ut in coprideis, brevissimum inter posticos pedes & elytrorum marginem vix conspicuum.

Elytra connata, hemisphaerico - convexa, lateribus carinata (fig. I. a.) & abdomen subtus includentia. *Alae* nullae.

Pedes magni, pilosi, postici ano proximi: antici majores rebustiores, in gibbo pectoris positi, tibiis apice dilatatis exteriusque dentatis; reliqui tibiis triquetris, pilosis. *Tarsi* omnium pilosi, quadriarticulati; *phalanx* longiuscula.

Corpus totum durissimum, atrum, parum nitidum, glabrum.

Figurae in Tab. A. exhibitae utrumque sexum minoris varietatis referunt, I. a. marem a latere inspectum, ut maxilla dextra usque ad basin fissa appareat; I. b. foemina & I. c. item marem, a dorso inspectos.

DGL

A 2. SCARABAEVS MOERIS;

Tab. A. Fig. 2.

Coprideus ater, galea subrotunda, integra, centro subcornuta, femoribus ovatis, foveolis thoracis scutellaribus, puncto utrinque impresso.

Species nullibi, quod sciam descripta, vel delineata; neque uspiam, practer Lacum falsum Inderensem deserti tatarici, ultra Iaicum fl. lecta.

DESCRIPTIO.

Magnitudo infra Sc. lunarem; forma depresso Sc. sacro similior. *Totus ater, nitidulus.*

Galea capitis subrotunda, declivis, sutura inter oculos transversali angulata, prominentia verticis conica, cristulaque ante suturam in medio disco obsoletissima.

Clypeus convexus, antico margine gibbus, punctatus, marginatus, utrinque puncto impresso, foveolaque gemina obsoletiore ad suturam elytrorum (quod in pluribus etiam exoticis).

Elytra a dorso planiuscula, exterius angulata atque marginata, basi subrugosa longitudinaliter, obsoletissimeque striata.

Subtus caput, pectus, pedesque pilosissima. *Femora* depressa, ovata; *tibiae* primores quadridentatae, robustissimae, posteriores prismatica, extus dente unico, terminalibus duobus; spina media gemina, postice solitaria terminatae.

Icon *Tab. A. fig. 2.* naturalem magnitudinem a dorso inspecti exhibet.

A 3. SCARABAEVS MOPSVS;

Tab. A. Fig. 3.

Coprideus, ater opacus, glaberrimus, galea inerimi, subemarginata laevigata, tibiis posticis arcuatis, thorace utrinque foveola obsoleta.

A 3. SCARABAEVS MOPSVS.

In Dauuria campestri & circa Selengam fl. sub equino stercore copiosissimus Iunio; aliquoties & in deserto Cumano, inter Tanain & Volgam lectus fuit, sed intermedias per regiones nusquam apparuit; & inter descriptas hucusque species nulli convenire videtur. Licet enim species apud Cl. Voet tab. 26. f. 28. nomine Nigritae francofurtani delineata, magnitudine & forma accedat, tamen pedibus longioribus, robustioribus, magisque dentatis, aliisque differt noster, neque cum affini Copride mutica secunda SCHAEFER. inf. ratisbon. tab. 3. fig. 7. confundendus est.

DESCRIPTIO.

Praecedente minor, et multa specimina vix allegatam SCHAEFERI iconem superant. Toton ater, supra opacus, subtus nitidus.

Galea inermis, anterius semicircularis obsolete emarginata, postice circumscriptione subelliptica, futuris duabus obliquis, a nucha divergentibus, obsoletestissimis.

Clypeus laevissimus, aequaliter convexus, utrinque foveola impressus, elytris latior.

Elytra dorso planiuscula, laevissima, pone axillas finu excisa, angustata, supra anum transverse gibba.

Pedes longiusculi, intermedii minores; *femora* oblonga, nitida, glabra; *tibiae* anticae triquetrae, scabrae, extremo tridentato - palmatae; posticae elongatae, arcuatae, triquetrae, angulis serrulatis, interiore duplicato. Femora & caput subtus subpubescunt.

Icon Tab. A. fig. 3. specimen e majoribus exprimit.

A 4. SCARABAEVS MENALCAS;

Tab. A. Fig. 4. a. b.

Coprideus, sericeus viridi - coeruleus, clytris gryseis, vi-ridi - nervosis, galea rhombea subcornuta, pedibus anticis ada-ctylis.

Scarabaeus humerosus PALL. itin. I. app. p. 462. n. 25. GOETZE en-tom. I. p. 70.

Species inter coprideas elegantissima, satis frequens in deserto aridissimo ad septentrionem maris Caspii, circa Volgam & Iaikum inferiores, ubi sub recenti praesertim vaccino stercore delitescit, solitarius. Coerulam varietatem tantum circa lacum falsum Inderensem inveni. Sed pedum proportione sexum distingui credo. Insectum asservatum oleo corrosivo acum & chartam substratam erodit; sed carent isto ichore exempla, quae muria lacus macerata collegi.

DESCRIPTIO.

Magnitudo paulo infra Sc. Moerin. *Galea* nisi magis rhomboidea, futura corniculoque verticis, ut in codem. *Labium* superius bilamelatum.

Clypeus convexus, utrinque gibbo - dilatatus, puncto versus laterales margines impresso; postico margine subrepandus, impressione gemina lunata in regione scutelli.

Elytra integra, gryeo - lutescentia, futura, margine, nervisque in singulo binis atro - coerulescentibus. Reliquum corpus totum e viridi vel coerulescente (rarius violaceo) sericeum, nitidissimum.

Pedes in pluribus, proportione & forma, ut in Scar. Moeri; femora postica anterius dente subtus spiniformi. — In paucioribus, corpore magis oblongis, forte sexu diversis, pedes omnes longiores, & praesertim antici elongati; iidemque in utroque sexu tibiis arcuatis, dentatis, spina terminatis; sed destituti tarso & unguibus.

Caput subtus, pectus, femoraque antica *pilis* lanuginosa, tibiae interno margine subciliatae; reliqui pedes subpilosí.

Varietatem longicurem *Fig. 4. a.* brevicurem, frequentiorem *4. b.* exprimunt.

A 5. SCARABAEVS BONASVS;

Tab. A. Fig. 5.

Coprideus, aeneus, galea centro subcornuta, postice cornibus duobus arcuatis, reclinatis, thorace bituberculato gryeo-marginato.

Scarabaeus Bonasus FABRIC. *Entom.* p. 23. n. 90. GOETZE *Entom.* I. p. 69.
Scarabaeus Vacca SCHROETER *Abhandl.* I. tab. 3. fig. 5.

Specimen inter alia Indiae orientalis Insecta communicavit *Illiustriss. Lib. Baro à RENGERS.* Pro *Scarabaeo Vacca LINNAEI* perperam a SCHROETERO l. c. p. 362. habitus hic fuit, nec iconem citatam hujus prius vidi, quam cum aeri incisa jam esset nostra.

DESCRIPTIO.

Forma simillimus Sc. *Tauro europaeo*, sed triplo maior, pauloque latior.

Galea magis semicircularis, argute marginata, futura disci semicirculari, margini subparallelia, ambiente centrum conicum subcornutum, acutissimum. Postici galeae anguli producti in cornu utrinque subulatum, arcuatim, thoraci adplicatum, quorum interiores acies argutae semicirculariter per nucham continuantur.

Clypeus transversim ovalis, obsoletissime didymus, convexus, politus, antice in intervallo cornuum capitis obsolete bituberculatus, punctisque impressis sparsus; utrinque ad caput angulo marginis prominulus, versusque laterales margines utrinque cicatrice notatus; per ambitum gryseo - marginatus.

Elytra vix thorace longiora, planiuscula, obsolete septemsulcata, fusco gryseoque nebulosa, abdomen non totum tegentia, ut in Sc. *Tauro*.

Pedes, uti thorax subtus; pubescentes; antici paulo maiores, tibiis obtuse dentatis.

Corpus fusco gryseoque nebulosum, galea et thorace aeneis. Femora pedum subovalia, grysea, margines, maculaque lanceolata fusco-aenea.

Figura 5. Insectum non plane magnitudine exprimit. An Femina, ut in Sc. *Tauro* nostrate, cornibus careat? observent alii, ne species, ut in hoc genere saepe fit, multiplicantur.

A 6. SCARABAEVS GIBBVLVS;

Tab. A. Fig. 6.

Coprideus, ater, galea postice biangulata, clypeo trituberculato, elytris gryfeis nigro punctatis.

? *Copris obscure aeneus*, capite pone bicorni, thorace antice prominente, elytris rufis, nigro maculatis *GEOFFR. parif. I. p. 90. sp. 5.*

In deserto circa Lacum salsum Inderiensem aliquoties lecta alias nunquam visa species.

DESCRIPTIO.

Magnitudo dupla vel tripla Sc. Tauri, quo paulo oblongior.

Galea semiovalis, vertice suturis binis transversim parallelis, arctutis, postice biangulata.

Clypeus antice trituberculatus, intermedio maximo, didymo, prominentiore. *Punctum* obsoletissime impressum utrinque versus marginem lateralem.

Elytra longitudine thoracis, laevia, gryfeo-lutescentia, atomis sparsis nigris. Reliqua violaceo-atra; pedesque ut in affinibus. Vide *Fig. 6.*

A 7. SCARABAEVS SCRIPTVS;

Tab. A. Fig. 7.

Coprideus niger, galea bidentata, clypei callis laevigatis, elytris sulcatis, punctis linearibus canis ordine dupli.

? *Scarabaeus Koenigii* FABRIC. *Entom. p. 29. n. 114. GOETZE Entom. I. p. 100.*

Videtur in continenti Indiae orientalis admodum vulgaris esse; inter omnia enim Insectorum Bengalensium atque Coromandelicorum supplementa, quae ab amicis habui, frequens erat, interque tredecim specimina varietatem nullam obseruo. Simillimum legi circa Lacum Inderiensem deserti tatarici.

DESCRIPTIO.

Forma proxime refert Sc. Mopsum, sed *magnitudine* parum superat Sc. Taurum.

Galea rhombica transversim, antice argute crenata, dentibus duobus acutiusculis: disco scabriuscula, linea longitudinali duobusque punctis politis.

Clypeus thoracis convexus, scaber & gryeo tomento velut pulveratus, linea longitudinali polita, postice foveolam scutellarem inclinante, punctisque utrinque duobus tribusve vel pluribus detritis politissimus.

Elytra lateribus sinuata, septemfalcata, sulcis punctatis, interjectis porcis convexis, quorum alterni tres ad basin & pone medium interrupti spatio cano - tomentoso; unde oritur duplex ordo punctorum albicantium linearium, sex in singulo ordine longitudinaliter parallelorum.

Pedes graciles, posticii multo longiores; primorum tibiae tridentatae.

Abdomen cano pulveratum, utrinque sub sinu elytrorum puncto laterali cano - tomentoso. Caeterum insectum exsolete nigrum, thorace quibusdam subaeneo.

In *Figura* 7. pictor lineolas albas elytrorum paulo angustiores exprimere debuisset.

A 8. SCARABAEVS AMMON;

Tab. A. Fig. 8. A. B.

Stercorarius atcer nitidus, capite thoraceque cornutis, maxillis exsertis subramosis.

Scarabaeus polyceros (Foemina) PALL. *itin. I. app. p. 461. n. 22. GOE. TZ E Entom. I. p. 116.*

Scarabaeus Ammon PALL. *itin. III. app. p. 707. n. 50.*

Maxime frequens species in deserto fabuloso Naryn, medio inter Volgam & Iaicum sito, ubi Iunio nocturno tempore ad pascua equorum circa peregrinantium castra convolat, sumumque canalibus perpendiculis

icularibus profunde in arenam scaturiginosam defodit, multum egestans fabuli. Vterque sexus stridet ad tritu abdominalis ad elytrorum marginem, ut Sc. stercorarius. Ad Volgam in arenosis vere nusquam deest, rarius & velut transfuga ad Iaicum, & ultra per desertum tataricum.

DESCRIPTIO.

Proxime affinis & assimilis Sc. Typhoeo, sed plerumque duplo triplave major, & rara specimina pygmea isti aequalia. Totus aterrimus, nitidus.

Maxillae in utroque sexu prominentes, apice bifidae, exterius dente insigni adsurgente; quasi affinitate quadam cum Lucanis. *Galea* ante oculum utrinque unidentata.

Clypeus convexus, utrinque ad caput circumscriptione semicirculare, sulco longitudinali obsoleto & utrinque puncto impresso versus marginem; margine subtus pilis reflexis ciliatus. *Scutellum* insigne cordatum. *Elytra* politissima, sulcata.

Pedes magni, robustissimi: *tibiis* omnibus dentatis, pilosissimis, posticis versus anum remotis, magis quam in Stercorariis reliquis. Haec in utroque sexu.

Mas (fig. 8. A.) cornu frontis anterius surrecto, thoracis directe protenso, subulatis, convergentibus, longissimis.

Femina (fig. 8. B.) cornu galeae brevi geminato, uno pone alterum; thorace antice spinis duabus brevibus, latitudine fere capitis inter se remotis.

Icones perfectissimam magnitudinem referunt.

A 8. SCARABAEVS TENEBRIOIDES;

Tab. A. Fig. 9.

Phytopagus? ovatus piceus, glaber punctato-scaber, clypeo margine ciliato.

In campis glareofis, aridis, inter Ononem & Argunum fl. Dauriae, Majo ad primos vernos calores apparet, interdiu humi immobilis.

B.

DESCRIPTIO.

Magnitudo fere Sc. folstitialis, formaque diversa. *Galea* latior, marginata: *clypeus* ad latera dilatatus, distinctus marginatus, pilis gryfcis subtilissimis ciliatus, praesertim antico posticoque margine conspicuus. Caeterum niger, minus nitidus, punctis crebris, impressis, sparsis scabriuscus. *Elytra* picea, apice rotundata, breviora, ut cauda longius promineat, sed obtusa. *Scutellum* nitidum. *Tibiae* robustissimae, anticæ tridentatae. *Antennarum* clava minima.

Icon (Fig. 9.) solitam magnitudinem ad amissim refert.

A 10. SCARABAEVS PECTINATVS;

Tab. A. Fig. 10:

Silphoides ^a), thorace rugoso, elytrorum porcis spinulofo - peclinatis, porcis interjectis duplii serie punctatis.

Trox horridus FABRIC. Entom. append. p. 818.

Inter exotica utriusque Indiae Coleoptera ad me missus est, ut veram patriam determinare non auferim. FABRICIVS Indicum dixit.

DESCRIPTIO.

Magnitudo fere Dytisci scarabaeoidis; facies proxime Sc. fabulosi, magisque similis Sc. monacho VOET. coleopt. tab. 10. fig. 13.

Caput planum, intra thoracem semiretractile, supra in medio cristula transversa, denticulata, medio interrupta. *Antennarum* articulus basilaris pilis barbatus.

Thorax gibbus scaberrimus, postice erofo-sinuatus, porcatus rugis quatuor crassis, longitudinaliter parallelis, quibus interjecti sulci profundi scabri; lateribus clypeus late marginatus, pilisque brevibus confertim ciliatus.

^a) *Silphoideos* appello *Scarabaeos*, qui pti contractis artubus immobiles sunt, facie, elytrisque tuberculosis Silphas quas- ut Byrrhi, & verosimillime omnes, ut dam, praesertim fabulosam, referunt, ca- Sc. fabulosus, sub morticiniis vivunt.

Elytra integerrima, subcoalita, marginata, margo & porci quatuor longitudinales, arguti, spinulis confertis pectinati, sutura vero inermis. Interjecti sulci plani, in singulo elytro quini, duplice serie punctorum profunde excavatorum impressi.

Pedum tibiae prismaticae, setulis hispidae, anticae subdentatae.

Corpus totum nigrum, sine nitore, subtus glabrum, planiusculum.

Icon Fig. 10. magnitudinem & formam optime illustrat.

A II. SCARABAEVS MORTICINII.

Tab. A. Fig. II.

Silphoides, clypeo inaequali ciliato, elytris striatis, convexae punctatis, hispidulis.

In aridissimis Tatariae desertis ad Iaicum & frequentius ad Irtin, sub cadaveribus aestivo ardore exsiccatis cum Histeribus & Dermestibus hospitatur. Ani ad elytra adtritu stridet, ut & Sc. fabulofus.

DESCRIPTIO.

Magnitudo Sc. Fosforis; corpus sine nitore totum nigrum.

Caput subtus ferrugineo pubescens, galea marginata, plana, integrerrima.

Clypeus latere marginatus, elegantissimeque gryseo ciliatus, ut & in commissura posteriore; impressionibus variis inaequalis. *Pectus* pilis gryseis sparsum.

Elytra integerrima, externo margine ciliata, striis decem obsoletis, impresso-punctatis, interque striae quasi imbricata tuberculis laevigatis seu areolis, transversim interstinctis per impressiones pilis aliquot gryseis sparsas. — Specimina ad Irtin lecta inter striae arcolas glabras; & pilis brevissimis in annulum dispositis coronatas alternatim continuant; caeterum simillima.

Pedum priorum femora latissima, in aciem compressa, antice ferrugineo villosa; tibiae (non omnibus exemplis) valide dentatae: reliquorum pedum prismaticae, exterius hispidae.

OBSERVATIO.

Licet *Sc. fabuloſo* valde ſimilis fit haec species, tamen ipſa forma, circumſcriptione magis oblonga, thorace ciliato, elytris frequen- tius ſtriatis, nec quadrifariam tuberculatis, eſſentialiter diſſert. Contra Scar. tuberculatus DEGEER *inf. IV.* p. 317. tab. 19. fig. 2. quem Novebo- raco Americes habeo, a varietate majuscula Scar. fabulosi, quam in trans- baſicalensibus & australioribus Russiae legi, nullo modo diſtingui potest.

— Eſt vero diſtinctiſſima, a deſcriptis hiſce, ſpecies, quaſaque adeo hujus affinitatis, quam Monachi gryſci nomine pulcre delineavit VOET. *l. c. tab. 10. fig. 93.* Specimina hujus, quae ex ora ciſ-gangetica Indiae ſub oculis habeo, inter ſe conueniunt, capite thoraceque ciñereis; ga- lea bituberculata, thorace hiulco pilis breviſſimis ſparſo, poſtice in an- gulum produc̄to, lateralibus marginibus denticulato; elytrorum tuberculis per novem ſeries diſtigſis, perque alternas ſeries majoribus, praefertim in dorſo prominentiſſimis. Femora antica item lata, in aciem compref- fa, tibiae bidentatae; corpus ſubtus totum ciñereum pilis breviſſimis ſparſum.

A 12. SCARABAEVS COCCINELLOIDES;

Tab. A. Fig. 12.

Stercorarius, oblongus, muticus, ater: clypei lateribus ru- ſis; elytris rubris, macula orbiculata nigra.

Scarabaeus bimaculatus LAXMANN. *Nov. Com. Petr. Tom. XIV.* p. 593. *tab. 24. fig. 1.*

Scarabaeus (bipunctatus) muticus, thorace nigro, rubro marginato, elytris rubris, punctulis duobus nigris magnis LEPECHIN. *itin. ruff. Tom. II.* p. 324. *tab. 10. fig. 7.*

In australibus Russiae & ad Volgam, ſub fimo equino recenti paſ- ſim occurrit.

DESCRIPTIO.

Magnitudo Scar. Folloris, nitidiffimus, totus laevis, oblongus, convexus. *Clypei* margines laterales & anus coccinea. *Elytra* laeviſſima

rubra, singula macula in medio orbiculata nigra, & apice nigro - marginata. *Tibiae testaceae. Caetera niger;* & icon Fig. 12. vix ampliorem descriptionem sibi postulat.

A 13. SCARABAEVS BIMVCRONATVS;

Tab. A. Fig. 13.

Phytophagus testaceus, tibiis anticis majoribus barbatis, clypeo utrinque mucronato, villis fimbriato.

Species haec notatu dignissima, Sc. longimano proxime affinis, inter Insecta Amboynensis mihi adlata, & nulli, quod sciām, descripta fuit.

DESCRIPTIO.

Magnitudo fere dupla Sc. Eremitae; *depressus, habitu* Sc. longimani.

Galea antice producta, marginata, margine rectilineo, lamellis lateribus oculorum globos maximos, flavescentes secans. *Oris labium* superius inferiusque pilis ferrugineis penicillata, *antennarumque* insimus articulus pilosus.

Thorax supra convexus, punctis impressis cicatricosus, margine utrinque in *mucronem* recurvum eductus, & ante *mucronem* ferrulatus, pone eundem excisus, integer, posticis angulis acutissimis. *Subtus thorax* ferrugineo villosus, densissime versus marginem, ubi villi marginem superminentes quasi fimbriam efficiunt. *Pectus* inter pedes item villosum.

Elytra laevia, planiusculo - convessa, marginata, integerrima, superficie instar corii obsolete cicatrica, abdominis apicem non tegentia.

Pedes magni, robusti, antici maiores, femoribus dente acutissimo in medio notatis. *Tibiae arcuatae, triquetrae*, interius villis ferrugineis, opposite crispati, bifariam barbatae; exteriore angulo dentatae, tribus versus extremitatem dentibus majoribus remotissimis; superiore angulo spina unica longiore armatae. *Pedes reliqui subpilosii, postici (prae-* fertim femoribus) robustissimi.

Color insecti piceus, clytrorum pedumque testaceus purpurascens.

Icon Fig. 13. naturali magnitudine tantillo minor est.

A 14. SCARABAEVS OXYPTERVS;

Tab. A. Fig. 14: a. b.

Phytopagus, oblongus auratus lanuginosus, elytris dehiscentibus, acutis, gryseis, striis tomentosis.

? Scarabaeus Alepensis parvus, villosus, vaginis e fusco aureoque mixtis PESTIVER. gazophyl. tab. 2. fig. 12.

Scarabaeus oxypterus PALL. itin. I. app. p. 462. n. 26. GOETZER Entom. I. p. 114. n. 230.

Scarabaeus (acuminatus) muticus, corpore viridi, elytris flavis corpore brevioribus, apice acuminatis LEPECH. itin. ruff. I. p. 508. tab. 16. fig. 9. GOETZER Entom. I. p. 96. n. 125.

Melolontha vittata FABRIC. Entom. p. 40. sp. 40. GOETZER Entom. I. p. 106. n. 181.

In maxime australibus ad Iaicum flores frequentat, neque praeterea ullibi observatus fuit. Viget incunte Julio. Descriptio, quam in Itinerario dedi, e speciminibus in muria lacus Inderiensis lectis, imperfector nata est.

DESCRIPTIO.

Magnitudo media inter Sc. horticolam & folstitialem; *Facies* singularis.

Galea aurata, inter oculos angustius producta. *Antennae* clava in utroque sexu fere aequali.

Thorax oblongus, cum capite scutelloque, viridi vel cupreо auratus, undique albido lanuginosus. *Pectus* aureolum, *abdomen* rufo-testaceum, tota vellere denso albido obducta.

Elytra gryseo-lutescentia, viridi nitore inaurata, apice acuto dehiscentia, abdomine breviora, virgata striis quaternis cano-tomentosis, in apicem cœuntibus; versus basin evanidis.

Pedum femora cupreо-aureola, tibiae testaceae, anticae digitatae; tarsi quatuor posteriorum elongati.

In foemina (fig. 14. b.) lanugo omnis flavescit; elytra abdomine breviora, acuta vix in acumen producta. *Mas* (fig. 14. a.) viridior, la-

nugine albida, elytrorum mucronibus productis, in siccato infecto ab domine longioribus; in recenti subaequantibus.

N O T A.

Adlegata synonyma pro specimine esse possunt, quam pessimo exemplo compilatores hodie species multiplicent; cuius innumera documenta adlegari possent. Quanta farrago scientiam naturalem opprimet, si sic pergatur?

A 15. SCARABAEVS ALOPECIAS;

Tab. A. Fig. 15. a. b.

Phytophagus, oblongus, villossissimus, thorace inaurato, elytris obtusis lanuginosis gryfeis, abdomine testaceo.

? *Scarabaeus syriacus* LINN. *mus. regin.* p. 24. *syst. XII.* p. 553. *sp. 56.*

In desertis australibus ad Volgam, cum *Tulipa* *Gesneri*, paulo ante hujus florescentiam, copiosissime apparent foeminac; at mares (minus frequentes) paulo tardius, medio demum Aprili, simul cum *Sc. hirtello*. Apparent tunc ubique interdiu vagi, inque floribus *Tuliparum* quiescentes & nuptias agentes. Larva verosimillime *Tuliparum* bulbis vivitat.

DESCRIPTIO.

Praecedente, cui habitu & forma oblonga similis est, minor & tercior.

Caput villosum, latiusculum breve: *antennarum* clavae in utroque sexu subglobosae.

Thorax subovalis, brevior quam in praecedente, undique villossissimus, convexus.

Elytra planiuscula, villoso-pubescentia, abdomine vix breviora, apice obtuso subdehiscentia, ora nigra marginata in utroque sexu.

Pedes omnibus acnei, hirsuti, primores breves, tibiis dentatis; reliqui longi, tenues, tarolis praefertim elongatis.

Mas (Fig. 15. a.) capite, thorace, scutelloque viridissimis, fericeis; pectore abdomineque nigris; elytris gryseis, interdum viridi - nitentibus, tenuius & striatim villosis; lanugine totius corporis albida, rarius in abdominalis circumferentia lutescente, tenellisque pilis fuscis subinde fasciculatim mixta.

Foeminae (Fig. 15. b.) caput, thorax, scutellum cupreo - aurata, abdomen rufo - testaceum, elytra magis lutescentia, villosissima; vellus totius corporis intense fulvum. Corpus huic fere majus.

A 16. SCARABAEVS ARCTOS;

Tab. A. Fig. 16.

Phytopagus, oblongus, villosissimus ater, elytris gryseis, dehiscentibus, lanuginosis, ano rubro.

In deserto australi inter Cumam & Terekum fluvios in floribus abundat initio Maji; ad matutinum praesertim solem obvoltans.

DESCRIPTIO.

Praecedente major, & Sc. oxyptero fere par; oblongus, depresiusculus, totus, praeter clytra, aterrimus & prolixa lanugine hirsutus.

Caput breve, galea quasi nulla tectum, fere Meloidis, fasciculatim villosum. *Antennarum* clavae in utroque sexu globosae.

Thorax subrotundus, politissimus; undique villosus.

Elytra fusco - grysea, basi & per strias longitudinales pallide lanuginosa, planiuscula, abdomine subbreviora, obtuso - dehiscentia.

Abdomen, uti totum insectum, molliusculum, apice subacuto rubro, in foeminis elytris paulo longius, masculis plerumque ad apicem utrinque fasciculo villorum ferrugineo distinctum.

Pedes longi, graciles, postici quatuor praesertim tarsis maxime elongati.

Icon *Fig. 16.* exprimit marem; ideoque abdomen elytra haud excedens.

A 17. SCARABAEVS BOMBYLIFORMIS;

Tab. A. Fig. 17.

Phytophagus, oblongus, villosissimus ater, elytris abdomine brevioribus, tomentoso - fulvis.

Copiosum observavi in aridissimis, praeruptis Montis & Lacus falki Bogdo, in deserto australi ad Volgam, ubi ineunte Majo mane & ad meridianum usque solem flores, praesertim Tragopoginis crocifolii frequentabat, prompte volitans, & facie Bombylii imponens. Eundem vere ex Inderiensi Lacu muriatico lectum accepi.

DESCRIPTIO.

Ita affinis praecedenti, ut diu haesitaverim, an pro distincto effet habendus. Sed est multo minor, ano in omnibus concolore nigro, elytris semper abdomine multo brevioribus, & intense fulvis, tomento continuo fericeis; caeterum planiusculis & obtuso dehiscentibus, ut & reliqua simillimus, & pariter, ac praecedens, tenui crusta molluscus. Vellus totius infecti aterrimum, & prolixius densiusque etiam, ac in priore.

Icon Fig. 17. differentias optime exprimit.

A 18. SCARABAEVS ALBELLVS;

Tab. A. Fig. 18.

Phytophagus, depresso - angulatus, niger, thoracis lateribus, maculisque elytrorum anique albatis.

Scarabaeus albellus PALL. *itin. I. app. p. 462. n. 27.* GOETZE *Entom. I. p. 114. n. 231.*

Cetonia variegata FABRIC. *Entom. p. 51. sp. 40.* GOETZE *Entom. I. p. 111. n. 214.*

Hujus speciei, nobis rarissimae, aliquot exempla circa Lacum salsum Inderiensem, deserti tatarici, collegi, nec usquam alibi. FABRICVS eandem ex India orientali a KOENIGIO habuisse videtur.

DESCRIPTIO.

Sc. stictico fere altero tanto major, eidemque forma & facie similis, itidemque glaber, sed minus nitide ater. — *Clypeus* lateribus fascia alba marginatus. *Elytra* lunulis majusculis maculata, quarum grandior ad ipsum apicem. *Alvus* ultra clytra nudus albo bimaculatus. Subtus totus immaculatus ater. *Caput* exiguum. Reliqua indicat Fig. 18.

A 19. SCARABAEVS SVCCINCTVS;

Tab. A. Fig. 19.

Phytophagus, depresso - subangulatus, flavo - lanuginosus, elytris nigris, gryeo bifasciatis.

Observatus in sola Dauuria, locis nemorosis, subalpinis, ubi *Lilia*, praesertim *Lil. bulbiferi* flores frequentat. Varietatem non esse *Sc. fasciati*, a loco natam, probat hujus in ipsa Dauuria immutati praesentia.

DESCRIPTIO.

Scar. fasciato similis, at minor, lanugine adhuc largiore vestitus, flavicante, circa anum, nigra. *Elytra* itidem abdomine breviora, truncata; nigra, nitida, pubescentia: fasciis in medio binis parallelis, gryescis, nequaquam vel vix secundum futuram confluentibus. Reliqua ex figura 19. patent.

A 20. SCARABAEVS AVREOLVS;

Tab. A. Fig. 20.

Phytophagus, depresso - subangulatus, polline aureolus, thorace elytrisque nigro punctatis.

Iunio mense haec species, in Rheo compacto florente, per Dauuriam ubique frequens appetit, constanter ab affini *Sc. farinosa* LINN. f. argenteo, punctis diversus. Rarior ad Ieniseam.

DESCRIPTIO.

Scar. farinoso, apud nos in australioribus usque ad Obum fl. frequenti, ita similis *forma*, ut ovum ovo. *Pedes* postici itidem maximi, monodactyli; tibiis crassioribus, compressis, hispidis. *Corpus* coloratum polline, subtus in omnibus argenteo virescente, sed supra plerumque pallide aureo. *Puncta* nuda, picea: thoracis quaterna; in elytris dupli- ci serie octona, solitariaque versus apicem. *Pedes* polline sparso micant, nigricantes. — Diu inter flores, pluviosa praeferunt tempestate, ver- santibus pollen sensim deteritur, et turpis facies.

A 21. SCARABAEVS HOLOLEVCVS;

Tab. B. Fig. A 21:

Phytophagus, cylindraceus, antennis heptaphyllis, totus farinoso - albus immaculatus.

Scarabaeus albus PALL. *itin. II. app. p. 718. n. 41.* GOETZE *Entom. I. p. 114. n. 233.*

In australibus desertorum ad Iaicum & Irtin, locis fabulosis Elymo obsoitis sub finem Iunii apparet noctivagus; interdiu sub Elymo are- nario quiescens.

DESCRIPTIO.

Forma omnino Sc. Fullonis & par fere magnitudo. *Galea* labio- superiore productior, quam in codem, sinu obsoletissimo emarginata. *Antennae* masculis clava maxima, heptaphylla. *Corpus* totum tomento paleaceo candidum; *pectus* vellere cinerascente - albo. *Tibiae* posticae villis barbatae. — Reliqua loquitur icon Tab. B. Fig. A 21.

A 22. SCARABAEVS TESTACEVS;

Tab. B. Fig. A. 22.

Phytophagus, cylindraceus, totus testaceo - glaber, com- missura thoracis pallido villosa, abdomine glauco.

In fabuletis Anketeri, inter Cumam & Caucasum, non infrequens vere.

DESCRIPTIO.

Magnitudo Sc. Fullonis, sed oblongior, magisque cylindricus.

Galea supra os margine valde reflexa, obtuse emarginata. *Antennae* clava parva, triphylla, rufescente.

Thorax gibbus, aequalis, a corpore distinctissimus, punctatus, utrinque versus marginem lateralem cicatrice obsoletissima. Margo thoracis anticus ciliis confertis fulvescentibus fimbriatus, subitus elongatis; posticus substratus villis longioribus pronis, gryeo slavecentibus.

Elytra abdomine breviora, scabriuscula, obsoletissime trinervia. *Pedes* robustius dentati, quam in Fullone.

Caput, thorax, pedes picea; elytra & abdomen testaceo purpurascens. Abdomen postice conico - productum, obtusum, ut in Fullone, & cum pectore glauco polline obumbratum.

Icon Tab. B. Fig. A 22. solitam magnitudinem exprimit.

A 23. SCARABAEVS HEMISPHAERICVS;

Tab. B. Fig. A 23.

Copridcus, hemisphaericus, apterus ater opacus; galea inermi, semiorbiculata, antice obtuso bidentata.

Species insignis, mihi ignotae originis, quam ad exemplum in Museo Academiae Petropolitanae asservatum delineari feci & descripsi; inter Coprides inermes facile e maximis.

DESCRIPTIO.

Moles supra Scar. sacrum; sed rotundior, aequaliterque & fere hemisphaerice convexus, subitus planiusculus.

Galea semiorbiculata, declivis, medio margine exciso - bidentata, denticulis distinctis rotundatis; supra tractus bini obsolete angulati, ab utroque oculo ad verticem ducti, versus marginem divergentes.

Clypeus magnitudine elytrorum & aequali cum his convexitate, marginatus, laevissimus. *Elytra* connata!

Pedes longiusculi: primores tibia latiuscula, exterius obtuse tridentata; reliqui tibiis triquetro - subquinquangularibus, exteriore marginne tridentatis atque denticulatis, reliquis angulis denticulato - scabris. *Femora* crassa, punctis sparsis excavatis.

Insectum totum (Fig. A 23.) laeve, aternum, sine nitore (ut Sc. sacer). Caput subtus fusco - villosum & commissura anterior thoracis subtus villis ferrugineis ciliata.

A 24. SCARABAEVS CRVENTVS;

Tab. B. Fig. A 24.

Phytopagus depresso - angulatus, niger, thorace supra elytrisque disco rubris, punctis elytrorum abdominisque crebris albis. ✓

Inter Insecta Noveboracensia hunc misit Nobil. DNa. Anna BLAKEVRN.

DESCRIPTIO.

Magnitudo & forma ad amissim Scarabaei stictici. Pectus & femora minus lanuginosa.

Caput nigrum; oculis subtestaceis, galea supra os producta emarginata.

Thoracis clypeus ruber, antice nigro marginatus, lineola alba utrinque secundum marginem lateralem, maculisque duabus nigris disci.

Elytra abdomen non totum tegentia, nigra per ambitum, medio singula disco rubra; lunulis transversis albis, una ad medianam futuram, tribus ad marginem lateralem.

Corpus atrum, politum, punctatum: *macula* tomentoso alba utrinque laterum pectoris, sub ipso margine elytrorum. *Puncta* alba abdominis in singulo segmento utrinque marginali, & in ultimo duo subtus, unum in ipso apice, & quatuor supra, pone elytrorum margines. Reliqua explicabit Figura.



B I. *CVRCVLIO VARICOSVS;*

Tab. B. Fig. I.

Longirostris, femoribus dentatis, elytris connatis sulcatis supra sextuberculatis, postice bimucronatis.

Insectum inter maximos hujus generis referendum, ex America meridionali oriundum; Curculioni vaginali LINN. & ejus iconi ab Ill. DEGEER (*inf. V. p. 266. t. 15. f. 23.*) propositae, licet simillima, tamen adtentius conferentibus satis distincta species videbitur.

DESCRIPTIO.

Magnitudo fere Curc. palmarum; totius color ater, nitidus.

Rostrum thorace longius, teres, extremo depresso-fulcum, in fosfam sterni, inter medios pedes, reptile. *Antennae* tenues, fractac, clava exigua.

Thorax supra politissimus, convexus, utrinque gibbus.

Elytra coalita, durissima, sulcis singula decem impresso-punctatis exarata, axillis conice prominula, versus apicem gibba, ipsoque in apice spina acutissima armata. Tubercula dorsalia utriusque simul elytri sex in circulum posita, prominentissima polita, postica maxima; postice puncta tria prominula in quovis elytro, & porcus futurae proximus tuberculis minutis imbricatus.

Pedes robusti, (antici vix majores) femoribus subtus omnes unidentatis, interque dentem & articulum coarctata; *tibiae* apice in spinulam terminatae, arcolaque ad apicem ferrugineo holoserica notatae; *tarsi* subtus ferruginei.

Iconem *Fig. B. I.* a dorso delincari malui, dum sic melius coleopterorum circumcaesuram exprimi autumo, quam a latere, vel oblique inspectis.

B 2. CVRCVLIO RHYNCHOCEROS;

Tab. B. Fig. 2.

Longirostris, femoribus dentatis, elytris connatis tuberculatis mucronatis, rostro basi bicorni.

Sicut cum praecedente mihi adiatus, Americanus; & hic omnino iconem Curc. vaginalis ex Ill. DEGEER opere citatam referret, nisi rostri cornua prominentissima distinguerent, quorum mentionem nullam fecit DEGEER. Summa tamen similitudo vel omissionis vitium subesse, vel sexum hisce cornibus distingui, fere suadet.

DESCRIPTIO.

Paulo brevior & latior praecedente, minus politus, ater.

Rostrum infraecto - arcuatum, in ipso arcus angulo utrinque cornutum spina robusta, subarcuata, patentissima: a basi dorsum rostri subangulatum, in medio obsolete bisulcatum, extremo planiusculum, latius, ore emarginatum. Antennae crassius clavatae.

Thorax supra inaequalis, utrinque gibbus, supraque gibbos tuberculo detrito notatus. Fossa sterni pro recipiendo rostri apice.

Elytra coalita, humeris angulata, postice gibbula, apice brevius bimucronata, foveolis per decem sulcos digestis postice exiliорibus exarsata. Tubercula dorsalia in circulum disposita, minora quam in praecedente, octona, quorum postica duo duplicita; praeterea minuta duo futuralia.

Pedes robusti; antici gradatim majores; femora dente obsoletiore, minusque constricta, quam in praecedente. Tibiae ut in praecedente.

Iconem a dorso inspecti (Fig. 2.) dedi, a latere circumcaesuram nostri exempli ad amissum refert figura Degeeriana.

B 3. CVRCVLIO PICEVS;

Tab. B. Fig. 3.

Longirostris, totus ater glaber, thorace ovato, elytris ab domine brevioribus, substriatis.

Curculio piceus PALL. *itin. I. app. p. 464. n. 34.* GOETZE *Entom. I.*
p. 384. n. 67.

E muria Lacus Inderiensis frequentem legi, alias per deserta Tatariac nusquam.

DESCRIPTIO.

Formae similitudo mira cum Curc. palmarum; at magnitudo vix Curc. fulcrostris.

Rostrum tenue, teres, longitudine thoracis, arcuatum. *Antennarum* clava globosa, subtestacea.

Thorax ovatus, depresso-culus, circa caput annulo marginatus, totusque punctis minutis, impressis sparsus.

Corpus subitus magis gibbum. *Elytra* planiuscula, abdomine breviora, obtusa, striis denis tenuissime arata & inter striae punctis, uti thorax, impressis sparsa.

Pedes antici majores, robustiores, praesertim femoribus; tibiae omnes scabrae, interius pilis ciliatae.

Insectum (*Fig. 3.*) totum nigrum, parum nitidum, glabrum.

B 4. CVRCVLIO ANOMALOCEPS;

Tab. B. Fig. 4.

Brevirostris, oblongus femoribus dentatis, rostro tetragono forcipato, antennis moniliformibus.

Curculio dispar LINN. *mus. regin. p. 50.* Varietas? FABRIC. *Entom.*
p. 144. n. 87. Varietas?

Insectum forma perquam singulare, atque inter Curculiones antennis non fractis, & Ipsides seu Attelabos involvulos LINNAEI prorsus ambiguum, immo forsitan recte ad hos referendum, licet proxime sit affine Curc. Anchorage et affinis. Specimen inter alia ab amiciss. DRVRY habui, qui e Rio - Ianeyro Americes accepit.

DESCRIPTIO.

Magnitudo supra Curc. paraplecticum & longior, formaque peculiari.

Caput postice semiglobosum politissimum, usque fere ad oculos, quasi decorticatum, ubi annulariter (abrupte velut margine) incrassatur.

tur. *Rostrum* breve, tetragonum, terminatum forcipe nuda producta, gracili. *Antennae* non fractae, in medio rostro positae, longitudine totius capitis, moniliformes.

Thorax ovatus, inflatus, vix depresso. *Elytra* fulcis decem profunde scrobiculatis arata, apice integra, exteriusque denticulo a futura remoto mucronata.

Pedes robusti, antici majores, femoribus omnes subclavatis, subtus denticulo versus apicem strictiorem notatis.

Color insecti sine nitore piceus; subtestaceus politus in capite, pedibus, abdome. *Elytra* lineolis fulvis politis notata, una suturae utrinque parallela a basi ad $\frac{1}{3}$ longitudinis ducta; exteriore altera in medio flexuosa, ad basin non perducta, sed posteriore; tertia versus apicem transversa, arcuata; ultima in mucronem apicis ducta, longitudinali.

Figura 4. descriptionem illustrabit.

OBSERVATIO.

Tria distincta Insecta habeo, Curr. anchoraginis similitudine, Americanae originis, non Indica:

1. CVRCVL. *anchorago*, descriptioni Linnaeanae in *mus. reg.* p. 52. proxime respondens, nitide niger, capite elytrorum longitudine, lineola rubra notato, antennis valde incrassatis; thorace elytris paulo breviore, oblongo, in medio non coarctato, per totam fere longitudinem sulco longitudinali canaliculato; elytris obtusis minus nitidis, laevissime fulcatis, linea longitudinali rufa, suturae parallela, varie interrupta. Hunc delineat, sed nostro minorem DEGEER *Ins. V. t. 15. f. 28.*

2. CVRCVLIO *basile*. Multo longior & tenuior praecedente, crassitie vix Libellae Puellae, longitudine fere sesquipolllicari, cuius aquas partes efficiunt caput, thorax & elytra. *Rostrum* tenuissimum, extremo subaruatum; *antennae* rostro multo breviores. *Thorax* medio coarctatus, antice subclavatus convexus, postica parte crassiore, supra sulco canaliculata. *Elytra* apice subacuminato obtusifuscule abdomen excedentia laevissime sulcata, linea integerrima & rectissima longitudinali,

fulva, externo margini propiore. *Pedes* minores. *Insectum* totum aterrimum, magisque politum, quam 1.

3. CVRCVLIO *Druryanus*. A C. dispare LINNAEI, quocum apud FABRICIVM confunditur, certe distinctus, vix dimidia praecedentium longitudine, sed habitore corporis crassitie ad C. paraplecticum propius accedens. Hic totus aeneus; *thorace* tereti, nullo fulco; *rostro* longitudine thoracis, summo apice dilatato; *antennis* rostro multo longioribus; *elytris* apice spinula a futura remota mucronatis, sulcis duobus futurae, uno exteriori margini parallelis, intermedio spatio laevigato, aliquot maculis flavis notato, quae in figura apud DRVRY icon. tab. 42. fig. 3. 7. non expressae sunt. Hanc ad C. anchoraginem male citat DEGEER, ad C. disparem FABRICIVS; est tamen priori similior. At C. anchorago, inter C. *Druryanum* & C. *bastiformem*, proportione formae, medium locum tenet. Femora in his omnibus *spinula* notata.

B 5. CVRCVLIO INDERIENSIS;

Tab. B. Fig. 5.

Brevirostris, apterus ovatus, opalino - albus, thorace utrinque mucronato, elytris excavato - punctatis.

Circulio inderiensis PALL. itin. I. app. p. 464. n. 36. GOETZE Entom. I. p. 402. n. 35.

Circulio albicans LEPECH. itin. russ. I. p. 508. tab. 16. fig. 5. GOETZE Entom. I. p. 399. n. 14.

Hanc elegantissimam speciem circa Lacum salsum Inderensem copiose, sed alibi nunquam, legi.

DESCRIPTIO.

Mole fere minoris fabae, forma Tenebrionum apterorum, brevis, crassus, ovato convexus.

Rostrum crassum, brevissimum, quadratum. *Antennae* fractae, sed articulo insimo perbrevi. *Thorax* punctis prominentissimis muricatus, utrinque mucrone reclinato, ut in Cerambycibus, armatus.

Elytra coalita, sulcis profunde impresso - punctatis. *Pedes* robusti, mutici.

Corpus totum albatum, subtus rosea & virescente resplendescens: abdomen lituris fuscis dupli ordine; oculi atri.

Fig. 5. naturalem magnitudinem refert, a qua nullum inter numerosissima specimina declinare vidi.

B 6. CVRCVLIO NOMAS;

Tab. B. Fig. 6.

Crassirostris, dealbatus, rostro biporcato, thorace scaberri-
mo, clytris fuso oblique lituratis.

Curculio major, subcinereus, undatus PETIV. gaz. t. 23. f. 4.?

Curculio Nomas PALL. itin. I. app. p. 463. n. 31. GOETZE Entom. I.
p. 384. n. 66.

In aridissimis deserti caspici, maxime circa salinas & Lacus fal-
los, non infrequens; deest in minus torridis, nec in Sibiria visus.

DESCRIPTIO.

Habitu C. nebulosi & sulcirostris, sed major, & inter nostrates fa-
cile maximus, longitudine 10.^{III}

Rostrum longitudine thoracis, crassum, tetraëdrum, albido, su-
pra stria dupli prominente, ad frontem approximata.

Thorax a dorso caelatura fere ut in Cerambyce scaberrimus s. tu-
berculis muricatus, fascia utrinque longitudinali alba; *fossa* e regione
scutelli profunde impressa, subcordata. *Scutellum* nullum, sed thorax
eo loco angulatus.

Elytra obtusa, striis e punctis impressis compositis, versus basin
punctis prominulis scabra, ex albida: umbris 2. obliquis fuscis. *Alae*
lutescentes.

Corpus subtus cano-albidum, lorica abdominalis singula punctis in
transversa serie nitidis atris 4 - 6.

Pedes albati, antici paulo maiores, medii minores. Vid. *Fig. 6.*

B 7. CVRCVLIO CANDIDATVS;

Tab. B. Fig. 7.

Crassirostris albato nebulosus, rostro stria trifurca, thoracis dorso cinereo, linea punctisque duobus niveis.

Cureulio candidatus PALL. itin. I. app. p. 463. n. 32. GOETZÆ Entom. I. p. 402. n. 33.

In aridis deserti caspici passim, sed frequentissime circa Lacum salsum Inderiensem lectus.

DESCRIPTIO.

Paulo major *Curec.* sulcirostri & crassior, pulcherrime dealbatus; subitus totus pedibusque (quorum antici majores) candido puro colore.

Caput oculis nigris. *Rostrum* supra striis tribus convergentibus, in fronte concurrentibus.

Thorax supra lateribusque punctis fuscis pulveratus, striga media candida & utrinque a dorso puncto magno candido; dein versus latera utrinque striga minus distincta & puncto lateral. *Scutellum* nullum, sed angulus thoracis.

Elytra striata, tota quasi nivco calcareo colore confertim maculata, intervallis macularum cinerascentibus, ubi striae fuscae. Id optime expressum est iconē Fig. 7.

B 8. CVRCVLIO RORIDVS;

Tab. B. Fig. 8.

Crassirostris, apterus, rufescente - albus, supra lituris punctisque subverrucosis nigris, porco rostri longitudinali.

In salsis torridis deserti australis ad Volgam, circa Salsolarum & Atriplicum suffruticantium radices delitescentem inveni hanc speciem, praesertim Iunio.

DESCRIPTIO.

Magnitudo C. fulcrostris, eodemque crassior & convexior.

Rostrum rufescente - album, supra porco obsoleto seu detrito longitudinali nigro. *Antennae* tenues, rostro vix longiores, apice albae. *Caput* fuscum, sed ad thoracem rufo - luteum.

Thorax elytraque usque ad dimidium punctis verrucosis, subdetritis scabra. *Elytra* coalita, lituris albis irrorata, striis tenuissimis, postice fere tantum conspicuis. *Scutellum* nullum.

Subtus insectum totum, etiam pedes, colore rufescenti - albo, fugaci, punctis sparsis fuscis. *Pedes* antici robustissimi. Vid. Fig. 8.

B 9. CVRCVLO CENCHRVS;

Tab. B. Fig. 9.

Crassirostris dealbatus, thorace elytrisque lituris confluentibus cinereis, nigroque punctatis, rostro uniporcato.

In torridis & squalidis deserti Volgensis rarius occurrit.

DESCRIPTIO.

Pulchritudine praecedentes aemulatur, sed multo minor etiam fulcrostri, teretior, subcylindricus..

Rostrum thorace fere longius, supra albatum, costa longitudinali, detrita, nigra. *Antennae*, pedes & corpus subtus candidissima.

Thorax fasciis 2. a dorso, 2. latioribus laterum fusco - canis, nigro - punctatis, commissura postica villis albis ciliata. *Elytra* lituris confluentibus, fusco - canis, nigro punctatis, seu potius maculis in fundo punctato candidis, sparsis. *Striae*, ob tomentum, vix conspicuae. Puncta nigra ubique subverrucosa, prominula. *Scutellum* nullum. Vid. Fig. 9.

B 10. CVRCVLO TETRAGRAMMVS;

Tab. B. Fig. 10.

Crassirostris, apterus, cinerascens, thorace fusco, lineis quatuor lacteis, elytrorum lituris quatuor nigris.

Curculio brevirostris, thorace scabro, elytris nebulosis, punctis 2. prope apicem nigris, nitidis LEPECHIN. itin. ruf. II. app. p. 329. t. II. f. 28.

In squalidis aridissimis deserti Volgensis maxime australis rarius inventus.

DESCRIPTIO.

Est e pulcherrimis & majoribus nostris, magnitudine oblique fasciati.

Caput gryseo - luteum; *rostrum* thorace paulo longius, supra pallidum, medio porco prominentissimo argute carinatum.

Thorax pullus, punctis impressis sparsus, stria arguta a dorso, utrinque versus latera pictus lineis duabus niveis, longitudinalibus, antice divergentibus, quarum inferior postice ad elytrorum axillas transit, ubi terminatur.

Elytra circa abdomen connata, postice summo apice distincta, acuta; colore cinerea (seu supra nigrum quasi pruinosa), per series impresso punctata: obsoletissime notata anterius puncto medii disci, & versus apicem litura forma commac, scere longitudinali, atra, hinc inde albo halone cincta.

Reliquum corpus lutescente - album, atomis fuscis. *Pedes* albidii, antici paulo maiores; femora secundi tertique parisi exterius fuso - bipunctata. Vid. Fig. 10.

B II. CVRCVLIO TRIBVLOIDES;

Tab. B. Fig. II.

Crassirostris, thorace bicristato - scabro, elytris spinis conicis axillaribus posticisque.

Exemplum, quon describo, ab *Amiciff. DRVRY* Londinensi, & is e Rio Ianeyro Americes, accepimus.

DESCRIPTIO.

Magnitudine europaeos omnes superat, & forma crassiore Tenebriones aemulatur: *habitu* Curc. inderiensis.

Rostrum brevissimum, subtetraedrum, extremo incrassatum, utrinque oblique sulcatum, punctis per series piliferis, & circa os pilosum. *Labium* superius triangulare nigrum; ut & oculi. *Antennae* articulo insimo vix elongato.

Torax scaberrimus, angulis prominulis subbicoloratus, utrinque fascia nigra.

Elytra spina conica axillari, tuberculo baseos a dorso, alioque in disco, & pone medium *spina* alia conica majore, divergente, obtusiore. Liturae fuscae ad spinas axillares interius, & fascia arcuata per spinas posteriores, ad margines laterales non perducta.

Pedes robusti, antici majores, tibiis arcuatis, apice uncinatis. *Alae* fuscae.

Color supra gryseo - aureolus, subtus viridi argenteus, quo colore etiam femora ultra medium. *Abdomen* subtus postice fulvo - inauratum. Vid. Fig. II.

B 12. CVRCVLIO NIGRIVITTIS;

Tab. B. Fig. 12:

Brevirostris cylindraceus, dealbatus, capite thoraceque subcarinatis, fascia utrinque longitudinali fusca.

Frequens in aridis squalentibus totius deserti caspici.

DESCRIPTIO.

E majoribus nostris, longitudine saepe ad 8.^{mm} sed teretior congeneribus atque cylindraceus.

Rostrum thorace brevius, crassum, teretusculum, conico - truncatum, supra cum capite album, e convexo - carinatum, *angulo* longitudinali detrito nigro; idem angulus instar *striae* argutae in thoracem continuatus, sensim evanescens; *foveola* versus scutellum impressa.

Latera rostri nigra & ab oculis utrinque *fascia* nigra per *thoracem* album, convexum, laevissimum.

Elytra albata, striis tenuissimis, in quibus puncta impressa fusca.

Albedo totius insecti supra rubicundula; subtus flavescens. *Abdominis* singulum segmentum puncto atro. *Femora* supra dorso concoloria. Vid. Fig. 22.

B 13. CVRCVLIO VIBEX;

Tab. B. Fig. 13.

Brevirostris cylindraceus albissimus, striga utrinque nigra per thoracem elytraque longitudinali.

In arenosis ad Selengam plures lectus fuit, & nusquam alibi.

DESCRIPTIO.

E minoribus, vix majoris avenae crassitie, longitudine 4¹¹¹/4 cylindraceus, totus niveo - dealbatus. At latera rostri fusca, & ab oculis utrinque incipit striga lata, per thoracem elytraque longitudinalis, reticulata. *Rostrum* longitudine thoracis, teretiusculum, supra stria obsoletissime impressa. *Elytra* punctato - striata, subacuta.

B 14. CVRCVLIO GIBBER;

Tab. B. Fig. 14.

Brevirostris, totus coerulescenti - candidus, elytris nervosis, gibbere postico communi.

Cum C. tribuloide, ex eadem regione Brasiliae, adlatum, misit Amiciss. DRVRVY.

DESCRIPTIO.

Habitus & proportiones C. argentati, sed magnitudo supra C. sulcirostrem.

Rostrum breve, tetraëdrum, supra sulco arguto aratum. *Antennae* fractae, capite duplo longiores, clava fusca. *Oculi* nigri.

Thorax inaequalis, a dorso obsolete tetraëdrus. *Elytra* ventricosa, trinervia, punctisque impressis per undecim series digestis subfulcata; *axillis* acute prominula & postice gibbere communi, futurali hiulca.

Inse-

Infectum totum furfure laevissimo coerulescenti - candido obdutum; pedes simul pilis brevissimis crebris hirsuti, antici paulo majores.
Vid. Fig. 14.

B 15. CVRCVLIO CARIOSVS;

Tab. H. Fig. B 15:

Longirostris, femoribus dentatis, corpore nigro, lutescente irrorato, thorace elytrisque maculis exesia albis.

Inter Surinamensia Infecta mihi adlatus fuit.

DESCRIPTIO.

Magnitudo supra Curc. germanum, cuius formam fere refert.

Rostrum teres, rectiusculum, tenue, longitudine thoracis. Caput circa oculos luteo pulvere coloratum.

Thorax lateribus luteo - irroratus, ad dorsum utrinque punctis 2. majoribus, & aliquot minoribus versus latera, exeso - albis.

Elytra integerrima, divisa, versus apicem gibbula, striis punctatis: punctis sparsis luteis, & paucis exeso - albis. Horum quatuor in rhombum posita, subconfluentia, versus basin exteriori margini propiora, & ad ipsum marginem quintum subgemellum, postice ad gibbum apicis unicum, quasi e tribus compositum, cordatum, --- in quolibet elytro.

Pedes robusti, posticii maiores, omnes femoribus subclavatos, subtus dente insigni notatis; Tibiae arcuatae. Reliqua docet Figura 15.

B 16. CVRCVLIO FENESTRATUS;

Tab. H. Fig. B 16.

Crassirostris apterus albatus: elytrorum maculis sex rhombibus fuscis.

In sabulosis ad Selengam aliquoties lecta species.

E

DESCRIPTIO.

Magnitudo infra Curc. nebulosum LINN.; quoque minora eo pulchiora sunt specimina.

Rostrum breve, album, angulatum, supra uniporcatum. *Thorax* arca dorsali, & utrinque macula posterius fuscus, punctisque nigris impressis sparsus; latere subtusque albatus.

Elytra connata, striis punctatis; basi subgrysea, reliquo albo-pallida, singula maculis 2. parallelogrammis, oblique parallelis, fusco-nigris fenestrata, tertia litura, versus apicem, fere longitudinali.

Corpus albatum, nigro-punctatum, ut & pedes. *Latera pectoris* & segmentorum abdominalium orae rufescentes. *Pedes*, praesertim postici, majusculi. Cacterum vide Fig. 16.

B 17. CVRCVLIO FLAVICEPS;

Tab. B. Fig. 17.

Crassirostris, apterus, albatus: capite flavescente lateribus rufo, thorace elytrisque albo-lineatis, fusco interruptis.

Curcilio brevirostris corpore cano, elytris sulcatis, nigro maculatis LEPPECHIN. itin. II. app. p. 327. tab. II. fig. 27.

In arenosis ad Selengam & Ononem non infrequens; rarius in Tatariae desertis.

DESCRIPTIO.

Est e minoribus, citri semen aquans, *forma* circiter praecedentis, breviculus; cacterum e pulcherrimis sui generis.

Caput supra flavum, fronte excavata; lateribus etiam rostri rufum. *Rostrum* supra album, bisulcatum, intermedia carina arguta, longitudinali, in frontem lineola nigra excurrente.

Thorax a dorso lineolis sex albis (quarum mediae angustissimae) alternisque fuscis, longitudinalibus; subtus albus.

Elytra connata, postice subacuta, sulcata, alternis sulcorum intervallis, futuraque prominentioribus, totis albis; at harum costarum intervallis fusco quasi articulatis.

Abdomen album, fascia longitudinali fusca, apicem totum, praeter margines segmentorum rufos, occupante. *Pedes* albi, punctulati, postici majores. Vide Fig. 17.

B 18. CVRCVLIO PICTVS;

Tab. H. Fig. B 18.

Crassirostris, albatus, thorace fasciis tribus longitudinalibus, elytrorum arcuata, fuscis.

PALL. itin. I. app. p. 463. n. 33.

In aridissimis, falsis deserti caspici & circa Lacum Inderiensem, non frequens.

DESCRIPTIO.

Magnitudo C. flavicipitis, sed oblongior, pulcherrimus, totus candidus, alatus.

Rostrum stria elevata longitudinali. *Caput* rufescens. *Thorax* fascia media latescente, & utrinque angustiore, parallelis, fuscis.

Elytra obsoletissime striata, lineola punctisque quatuor ad basin notata; *fascia* medii disci lunata communis, ad futuram subinfracta, cornibus antrorsum protensa fusca. Caetera alba. Vide Figuram 18.

B 19. CVRCVLIO HOLOLEVCVS;

Tab. H. Fig. B 19.

Crassirostris, subcylindraceus: totus dealbatus immaculatus, oculis atris.

In squalidis deserti caspici, sub Atriplicibus & Salsolis, praesertim in praeruptis falinarum Tschaptchatschi lectus.

DESCRIPTIO.

Magnitudo & *forma* subcylindracea fere ut in Curculione SCHAEFFER Ratisb. t. 123. f. 4. sed obtusior. *Elytra* etiam, ut in isto, tuber-

culo apicis acuto terminata. *Totus autem laevis est, uniformiter dealbatus*, cum tinctura modo flavente, modo subrutila. *Rostrum thorace brevius*, supra stria carinata brevi. *Elytrorum puncta*, per series impressa, vix conspicua. *Pedes toti albi*, incrmes; antici paulo majores.

B 20. CVRCVLIO TENEBRIODES;

Tab. B. Fig. 20.

Sublongirostris, apterus, aterrimus glaber, elytris laevigatis.

? FRISCH inf. XIII. p. 28. tab. 26.

? SCHAEFF. Ratisb. t 62. f. 11.

In deserti caspici aridis rarius humi inter Tenebriones apteros occurrit.

DESCRIPTIO.

Demto rostro, facies & magnitudo Tenebr. Nomadis majoris. *Rostrum paulo brevius*, quam C. germano, crassum. *Thorax lateribus obsoleto carinato - convexus*, supra ad posticum marginem foveolis tribus obsoletissimis, punctisque (ut & caput) adspersus minutissimis, fere oblitteratis. *Antennae apice*, ut & plantae, fusco grysea.

Elytra connata, earina laterali, uti thorax, obsoleta convexa, a dorso nervis binis oblitteratis, interque nervos duplicatis seriebus foveolarum obsoletissimarum, quae in icone bene exprimi haud potuerunt. In singula foveola punctum impressum vix conspicuum.

Corpus totum aterrimum, fere fine nitore, durum, laevigatum. *Pedes robusti*, mutici.

B 21. CVRCVLIO ALBATOR;

Tab. B. Fig. 21.

Crassirostris oblongus alatus niger, elytris nitidis punctatis, postice compressis pubescentibus, fasciis lateralibus niveis.

E Brasiliae Rio Ianeiro acceptum, cum varietate, misit Amiciss. DRVRY, Londino.

DESCRIPTIO.

Est e majoribus, sed magnitudo inconstans. *Rostrum* fere thoracis longitudine, crassum, tetraëdrum, supra bisulcatum cum stria intermedia arguta. *Antennae* tenues, fractae, flagello duplo longiore, & rostrum cum capite excedente.

Thorax cylindraceus, confertim punctatus, subgryeo pulveratus, *fascia* in imis lateribus utrinque longitudinali candicante, etiam per latera rostri & pectoris aliquousque continuata.

Elytra magna, postice compressa, dorsoque valde convexo gibba, postremo pilis fuscis pubescentia, nitide atra: series punctorum cavarum denae, seu potius sulci obsoletissimi, punctis crenati. *Fascia* in utroque latere marginalis nivea, & *alia* huic non parallela, obliquata, neque basin nec apicem adtingens, posterius tamen productior itidemque latior. In varietate minori hae duae fasciae solae adsunt. At in majori quem Fig. 21. Tab. B. expressimus, inter tertiam & quartam a sutura punctorum seriem *striga* insuper nivea, longitudinalis, interrupta, posticae fasciae obliquae coadunata.

Pectus albo - nebulosum & abdomen fasciis duabus longitudinaliter decrescentibus, albidis. *Pedes* magni, robusti, velut polline incani, inermes, femoribus subclavatis: medii minores.

C I. *MPLARIS* GIGANTEA;

Tab. C. Fig. 1.

Maxima, picea, clytrorum sulcis profundis, laevigatis, per paria concurrentibus.

Tenebrio gigas LINN. *Syl. XII.* p. 674. n. 1. *Amoen. acad. VI.* p. 396. n. 26.

Inter Insecta Surinamensia ad me delata, neque propter novitatem, sed ad illustrandum & ornandum genus, cuius sequentes species erant describendae, in Tabulam addita.

C I. MYLARIS GIGANTEA,

DESCRIPTIO.

Magnitudo Dytisci picei, maxima inter congeneres.

Caput productius & angustius, quam in Mylaride molendinaria; oculis maximis. *Antennae* depresso - moniliformes, extrorsum valde incrassatae.

Thorax corpore augustior, quadratus, supra infraque aequaliter convexus, submarginatus, marginibus lateralibus argutioribus, rotundatis.

Elytra latiuscula, pone acuta, fulcis novem concavo - laevigatis, per paria concurrentibus. *Alae* lutescentes, venis testaceis. — *Pedes* proportione tenues, minusculi, femoribus depresso-fulciis.

Magnitudinem Figura I. Tabulae C. ad amissim exprimit.

C 2. MYLARIS GIBBOSA;

Tab. C. Fig. 2.

Subovata tota aenea, elytris gibboso - convexis, striis tenuissimis crenulatis.

Insectum, cum sequentibus duobus, ab *Amiciss. DRVR Y* habeo, qui patriam Brasiliam indicavit.

DESCRIPTIO.

Magnitudo Tenebrionis mortisagi, magis ovatus quam congeneres reliqui & convexior.

Caput convexiusculum, ad labium oris quasi incisum; oculis reniformibus. *Palpi* maiores duo clavati. *Antennae* vix thorace longiores, extrorsum valde incrassatae.

*) Tenebriones alatos plerosque LIN-
NÆI, constantibus characteribus distin-
ctos & satis numerosos, hic & in Fa-
una Rossio - Asiatica, propediem edenda,
proprio sub nomine *Mylaridum*, genere
distincto recensui; segregato genere *Sca-*
ritum, tibiis anticis fossoriis, cet. infi-
gni, quod jam FABRICIO placuit. No-
men *Mylaridis*, — molendinariae ap-
propriatum, male applicavit Meloidibus
FABRICIVS.

Thorax quadratus, clypeo planiusculo, punctis impressis obsoletis sparso, marginato. Scutellum semiovatum.

Elytra valde gibbosō - convexa, laevissima, striis novem tenuissimis, crenulato - punctatis, ad axillas tuberculo prominula. Alae magnae fuscae.

Pedes graciles inermes, postici vix maiores, tarsis triarticulatis, reliqui quadriarticulatis.

Color totius politissime aeneus, subtus & in pedibus obscure virescens elytris fusco - aeneus. Magnitudo & forma optime in iconē Fig. 2. Tab. C.

C 3. *MYLARIS* SPECIOSA;

Tab. C. Fig. 3.

Subovata aenca, clytris politissimis striatis, cupreo, viridique lineatis.

Cum præcedenti specie Brasilianæ originis. Subsimilis Mylaridi aeneae quam delineauit SCHAEFFER Ratisb. tab. 51. fig. 3.

DESCRIPTIO.

Magnitudo Attelabi ceramoidis LINN. (qui vera Mylaris) seu pauclo supra Myl. molendinariam, eaque ovatior & convexior, tota polita, subtus aenea.

Caput supra planiusculum. Palpi duo maiores clavati. Antennæ dupla fere longitudine thoracis, filiformes, extimis tribus articulis brevibus, crassiusculis.

Clypeus perfecte quadratus, planiusculus, marginatus, cum capite violaceo - aeneus, minusque reliquo politus.

Elytra politissima, aequaliter convexa, striis tenuissimis, subpunctatis novem, fasciis singula quatuor cupreis, interjectisque tribus virecente - aeneis, splendida. Margo inferior elytrorum chalybatus. Reliqua ut in præcedente. Vid. Fig. 3.

C 4. *MYLARIS VIOLACEA;*
Tab. C. Fig. 4.

Cylindracea splendidissima, coeruleo ~ violaceoque varians, addomine postice rubro, elytris punctato - striatis.

Brasiliana, cum duabus praecedentibus accepta.

DESCRIPTIO.

Longior, multoque gracilior M. molendinaria, fere cylindrica.

Caput subrotundum, oculis magnis reniformibus, & ante oculos nodulo prominulo supra antennas, impressione transversa frontis. *Antennae* thorace duplo longiores, vix incrassatae, filiformes.

Thorax cylindraceus, haud marginatus nisi postice. *Scutellum* minutum, triangulare.


Elytra semicylindro - convexa; striis impresso - punctatis, postice per paria concurrentibus.

Pedes, praesertim medii, longissimi, tarsis posticorum triarticulatis, reliquis quatuor articulorum, licet primorum brevissimi.

Color totius Insecti splendide violaceo fericeus, coeruleo, vel in quibusdam viridante varians. *Abdominis* segmenta tria ultima coccineoruberrima, triangulo fusco marginali utrinque ad anum. — Formam optime expressit *Fig. 4.*

N O T A.

Hi omnes C 2 - 4. a Tenebr. chalybeo LINN. s. aenco DEGEER. specie differunt, ex eadem licet America oriundi.



C 5. *TENEBRIO AVRITVS;*
Tab. C. Fig. 5. a. b.

Thorace marginato antice dilatato, elytris utrinque bicarinatis laevissimis muticis.

Ad Lacum Inderiensem lectus, nec alias unquam.

DESCRI-

DESCRIPTIO.

T. Mortisago vulgari major & oblongior, totus ater, ut ille, paulo^{ve} magis nitidus.

Caput supra os galea usque ad oculos marginata, truncata, antice latiore; labio non distinctus. *Antennarum* articulus secundus tribus sequentibus aequalis.

Thorax dorso planiusculus & utrinque arguto margine, versus caput dilatato quasi alatus.

Elytra oblonga, apice productiuscula, a dorso planiuscula, lateribus carina utrinque argutissima, ceu acie, angulata, infra quam alia minus acuta, nec isti parallela.

Pedes maiores, quam in *T. mortisago*. Duo *Fig. 5. a. b.* Inseratum a dorso & a latere pingunt.

C 6. TENEBRI^O PTERYGODES;

Tab. C. Fig. 6.

Thoracis marginibus dilatatis assurgentibus, elytris utrinque carinatis, quadruplici serie elevato - punctatis.

Pimelia reflexa FABRIC. entom. p. 252. n. 9.

Tenebrio vulgaris FORSKAL anim. p. 79. n. 9.

Ex Oriente acceptum communicavit Celeberr. BRÜNNICHE Prof. Hafniensis.

DESCRIPTIO.

Affimilis forma praecedenti, sed minor, *T. mortisago* aequalis, similiterque sine nitore ater.

Caput ante oculos galeato - marginatum. *Thorax* antice area lunata declivis, marginibus lateralibus adhuc magis, quam praecedenti, dilatatis, in laminam tenuem, lunatam, subtus transverse striatam, utrinque ad caput angulo productam, postice brevius angulatam.

Elytra utrinque argutissime carinata, carina posterius ferrulata; infra carinam lateribus plana; dorso planiuscula, & duobus in singulo

ordinibus punctorum prominulorum seu verrucularum notata; postice declivi - subacuta. *Pedes* fere robustiores, quam in *T. mortisago*. Vid. *Tab. C. Fig. 6.*

N O T A.

Hicce speciebus inter se & *Tenebrioni spinoso* LINN. *mus. reg. p. 101.* admodum adfinibus, superaddo speciem quondam e Mauritania acceptam, & iisdem forma generali perquam similem, cuius, quum specimen perierit, iconem addere nequeo.

TENEBRI didymus; thorace late marginato postice bicorni, elytris angulatis, supra biconvexis.

D E S C R. *Magnitudo* fere *T. mortisagi*. *Caput* supra planiusculum, rhomboideum. *Thorax* supra planus, depresso, marginibus lateralibus dilatatis, argutissimis, surrectis, postico angulo utrinque in spinam retrorsam terminantibus. *Elytra* ovata, cum inclusa abdomine laevia, supra fossa longitudinali suturali impressa & biconvexa, utrinque carina ferrulata, lateraliter planiuscula, pone subacuta. *Anus* spinam brevem rigidam exferit, ut in pluribus. *Femora* extremo quasi biaurita, lamellis inter quas tibiae inarticulatae. *Insectum* totum atrum, glabrum, subtus nitidius.

C 7. TENEBRI SETOSVS;*Tab. C. Fig. 7.*

Thoracis margine scaberrimo piloso postice spinoso, elytris tricarinatis, setulis sparsis, gryseis.

Inter Insecta capensia *musci* quondam *Breyniani* inventum descripsi. Non est *Ten. hispidus* FORSKAL. *anim. p. 79. n. 8.*

D E S C R I P T I O.

Magnitudo *T. mortisagi*, sed brevior & crassior. *Thorax* supra convexus, lanugine rara grysea, utrinque marginatus lamella distincta,

subtus plana supra scaberrima, pilosa, & acie fere denticulata, quac posse exit in spinam subulatam.

Elytra gibbos^o - convexa, singula nervis argute tricarinata, carina extima setis crebrioribus ciliata, intervallo nervorum punctis prominulis pilos sparsos gryseos sustinentibus. *Elytra* & thorax in regione scutelli *fovea* triangulari simul impressa.

Corpus subtus punctis sparsis prominulis, sed depilibus. *Pedes* robusti scabri, pilis brevibus hispidi; anticorum tibiae extus carinatae, spina terminali mucronata. *Vagina* ani bispinosa. Vid. Fig. 7.

C 8. *TENEBRI^O* NOMAS;

Tab. C. Fig. 8.

Thorace marginato, orbiculato, convexo, elytris ovatis convexis, subrugoso - laevigatis, muticis.

BARREL. icon. plant. tab. 945.

Pimelia orbicularis FABRICIUS entom. p. 253. sp. 14. GOETZE entom. p. 689. n. 15.

? Tenebrio laevis FORSKAL posth. zool. p. 78. sp. 7.

In universo deserto tatarico & in campis aridis Sibiriae australis frequens, tota aestate.

DESCRIPTIO.

Magnitudine multum variat; maximi longitudine 7.^{III} latitudine 3.^{II} minimi longitudine 4.^{III} latit. 1 $\frac{2}{3}$.^{III} Durissimus.

Forma fere oblongior, quam *T. mortifago*. *Caput* productius; *antennae* apice tenuiores.

Thorax elytris angustior, orbiculatus, antice truncatus minusque marginatus; totus convexus, commissura antica ferrugineo angustissime ciliata. *Caput* & thorax minus nitida, punctis minutissimis, impressis.

Elytra ovata, pone subacuta, valde convexa, nec quidquam carinata, nitidiuscula, subrugoso - laevigata.

Insectum subitus, pedesque, aternum nitidum. Variat interdum thoracis foveolis binis impressis. Alii elytris fere laevissimis. — Majorum staturam exprimit *Figura nostra* 8.

C 9. TENEBRI^O LONGICORNIS;

Tab. C. Fig. 9.

Thorace marginato, postice subangustato, elytris striatis subrugosis, antennis elongatis.

? *Pimelia angustata* FABRIC. *Entom.* p. 253. sp. 13.

In deserto australi circa Volgam sub lapidibus & stercore vaccino sicco frequens vere.

DESCRIPTIO.

Magnitudo Carabi mediocris, forma fere Dermestis, sed convexior, & pedes magni.

Caput antice truncatum, margine supra labium, ipsoque labio ferrugineo - ciliatis. *Palpi* duo majusculi, articulo terminali triangulari clavati. *Antennae* longitudine elytrorum, filiformes, articulo terminali ovato.

Thorax convexus, marginatus laevis, antice posticeque truncatus & postice paulo angustatus.

Elytra latitudine thoracis, valde convexa, striis tenuissimis, obsoletis, interque strias impressionibus transversis obsolete rugosa.

Corpus minus durum atrum opacum; subitus nitidius. *Pedes* politi, aterrimi, punctis impressis adspersi, postici majores. *Tarsi* quatuor priorum in altero sexu articulis prioribus latiusculis, omnibus subitus grysei. Vid. *Fig. 9.*

C 10. TENEBRI^O HYPOLITHVS;

Tab. C. Fig. 10.

Ovalis, convexus laevissimus, thorace utrinque truncato, marginato elytrorum latitudine, elytris latere carinatis.

Tenebrio nigra, tota laevis, coleoptris pone rotundatis **GEOFFR.** *paris.* I.
p. 351. sp. 8.

? Tenebrio latipes **LINN.** *Syst. XII.* p. 678. sp. 30.

? Pimelia glabra **FABRIC.** *Entom.* p. 253. sp. 12.

? Histrio vasae **VOET.** *colept.* I. t. 32. fig. V.

Frequens ad Volgam, in arenosis aridis, sub faxis latens, vel
riparum praeruptarum in fissuris; major in australioribus. In Sibiria deest.

DESCRIPTIO.

Maximorum longitudo 7. $\frac{1}{4}$ latitudo 3 $\frac{3}{5}$. $\frac{1}{4}$ minores 4 $\frac{1}{2}$. $\frac{1}{4}$ ad 2 $\frac{3}{4}$. $\frac{1}{4}$
Ater, durissimus.

Forma perfecte ovalis, convexitate dimidiatae glandis. *Antennae*
apice tenuiores.

Thorax lateribus versus caput rotundatis, marginatis; postice la-
titudine elytrorum.

Elytra laevissima, carina laterali arguta, integerima, margini
thoracis continuata.

Superficies supra tota punctis minutissimis impressis sparsa, subtus
nitidior, scabriuscula.

Pedes satis robusti; *Tibiae* anticae extremo latae, integerimae,
angulo externo obtuso, interno brevissimo, bispinoso; *relinquae* sca-
berrimae.

In minore varictate clytra obsoletissime striata, striis undulatis,
thorax minus marginatus. In altero sexu tarsi primi & secundi parvis ar-
ticulis 2. intermediis latis, cordatis; subtus ferruginei.

Icon nostra Fig. 10. majorem australem varietatem imitatur.

C 11. TENEBRIOS GLANDIFORMIS;

Tab. C. Fig. II. a. b.

Ovatus, convexo - gibbus, laevissimus, thorace lateribus
subcarinato, elytris marginatis, postice rufo . lineatis.

Tenebrio gibbus **DEGEER** *ins. tom. V.* p. 51. t. 13. f. 8.

Pimelia striata **FABRIC.** *Entom.* p. 251. sp. 1. **COETZEE** *Ent.* p. 688. sp. 6

Nunquam ex Indiis adlatum vidi, quam patriam adsignauit FABRICIUS; sed frequentissime adfertur inter Insecta Capensia, unde in Promontorio australi Africes vulgaris esse videtur. LINNAEVM sub *Ten. gibbi* nomine hunc vel sequentem intellexisse vix est dubium, licet synonymum *Carabi cephalotis* istum male fecerit FABRICIUS, & Europae communem perhibuerit LINNAEVS. Sed alienus ab his certe *Ten. ventricosus* SCOPOL. carn. 253. quem eodem inscruit GOETZE Ent. p. 675. n. 18.

DESCRIPTIO.

Mortisago major, corpore glandem majorem aequans; totus piceo ater, nitidulus glaberrimus, durissimus.

Caput retusum, galea supra labium submarginata. *Palpi*, ut & antennae filiformes, vix extimo articulo crassiore.

Thorax laterali carina utrinque scabra; a dorso fere hemisphaericō - convexus, laevissimus; postico margine semicircularis, submargi-natus.

Elytra laevigata, oviformi gibba, argutissima utrinque carina, secundum oram inscrām planam, marginata, postice producētuscula. — In plerisque striae circiter octonae, rufo-testaceae, per totam longitudinem vel tantum postice per ambo elytra longitudinales (Fig. 11.a.) Eaēdem aliis plerumque minoribus, caeteroquin vix diversis, desunt (Fig. 11.b.)

Pedes robustissimi, antici crassiores, postici longiusculi; *femora* omnium scabra, primorum saepe submuricata. *Abdomen* laevissimum.

C 12. TENEBRI^O GIBBUS;

Tab. C. Fig. 12.

Thorace globoso, marginato; *elytris* ovatis marginatis, utrinque carinatis, dorso laevissimis.

Est hic a praecedenti specie evidentissime diversus, & videtur in Africa meridionali esse rarior; etenim semel omnino inter Capensia In-secta adlatum vidi.

DESCRIPTIO.

Praecedente paulo minor, at in universum satis similis, eodemque colore piceo - atro, nitidulo.

Caput adhuc magis retusum, galeae plano perfecte verticali. *An-*
temmarum articuli longiores.

Thorax a dorso plus quam hemisphaerice gibbus, laevissimus, lateribus argute marginatus, postice truncatulus, crassiore labio marginatus.

Elytra globosiora & magis gibba, quam praecedentis, & praeter carinam orae inferam, ad dorsum utrinque obtusius carinata, carina scabriuscula, ad apicem non perducta.

Pedes, ut in antecedente; at postici minus proportione longi. *Abdominis* loricae magis politae, foveola utrinque versus marginem; quod vix in praecedente. Caeterum differentia satis e *figura* 12. cum praecedentibus collata liquet.

C 13. *TENEBRIO CASPICUS*;

Tab. C. Fig. 13:

Ovato - depresso - scabriusculus, thorace antice posticeque excavato, elytris utrinque carinatis, fasciis scaberrimis laevigatisque alternis.

In ripis elatioribus ad Mare caspium, praesertim in Orientali littore, non infrequens.

DESCRIPTIO.

Mortisago duplo crassior; longitudine 11.¹¹¹/11 latitudine quoad elytra 6¹₂.¹¹¹/11

Caput crassum, ante oculos marginatum. *Thorax* marginatus, elytris multo angustior, ad caput utrinque angulo productus, antice valde excavatus, postice leviter, punctis muricatis ad margines crebris & prominentioribus scaber.

Elytra postice declivi - productiuscula, dorso lata, planiuscula, utrinque carina biangulata, scabra, ad axillas angulo prominula; supra

fasciae quatuor longitudinales & triangulum in regione scutellari, punctis muricatis piliferis obsita, quibus interjecti tractus laevigati.

Pedes piloso - hispido. Thorax subtus mucrone sternali plano rotundato, fere ut in Elateribus, sed horizontali, nullaque fossa pectoris respondente. Color totius aterrimus, nitidus. Reliqua loquitur Fig. 13.

C 14. TENEBRI MVRICATVS;

Tab. C. Fig. 14.

Elytris carinatis, undique muricatis, punctis seriatis concisis piliferis; tarsis hispidis.

PETIVER. *gazophyl.* t. 92. fig. 14.

Tenebrio muricatus LINN. *synt. XII.* p. 676. *sp. 17.* GOETZE *Entom. I.* p. 674. n. 17.

Pimelia muricata FABRIC. *Entom.* p. 251. *sp. 4.* (excluso GEOFFRAEI synonymo.)

Frequens in deserto arenoso Naryn, inter Volgam & Iaicum, in collibus Elymo arenario & Pterococco polygonoide obsitis, sed alibi nunquam observatus. Femorum posticorum adtritu ad elytra stridet, & saepe moribundus Gordios albos ano excernit.

DESCRIPTIO.

Mortisago major & crassior, sed minus latus antecedente, totus ater, minus durus, minusque nitidus.

Caput majuscule, convexum, ante oculos suprave antennas marginatum. *Antemae* subpilosae, articulo ultimo minimo, conico, ferrugineo.

Thorax tantum antie excavatus, supra gibbus, muricato scaberimus, utrinque stria arguta marginatus; ubi ad caput angulo acutissimo prominet, non tamen omnibus.

Elytra utrinque secundum oram subtus stria laevi carinata, caeterum tota muricata tuberculis acutissimis, piliferis retrorsum subuncinatis, per quatuordecim series digestis, quarum a lateribus secunda & ipsa subcarinata.

Subtus

Subtus corpus tenerime canescit. Thoracis commissurae subtiliter ciliatae.

Tibiae anticae latae, exterius crenulatae, apice interius bispinofae. *Tarsi* anteriores nudi, reliqui pilis nigris hispidissimi. Sexus differentia nulli, nisi forte quod thorax ad caput utrinque magis vel minus angulatus.

Caeterum inspice Fig. 14. cuius magnitudinem omnes facile aequant.

N O T A.

Videtur hoc quoque referri posse: *Tenebrio spinosus* FORSKÅL. posth. zool. p. 80. n. 13. Sed summa affinium specierum similitudo non dat sperare absolutam *Tenebrionum* synonymiam, donec pleraque calidarium regionum species iconibus illustratae fuerint.

C 15. *TENEBRI* CEPHALOTES;

Tab. C. Fig. 15.

Thoracis margine antico posticoque ciliato, elytris scaberimis, quadrinerviis, lateralibus carinatis subferratis.

? *Tenebrio grossus* LINN. Syst. XII. p. 676. sp. 16. GOETZE Entom. I. p. 674. n. 16.

In desertis aridissimis salmis ad Iaïkum australem, maxime circa Indiensem lacum salsum, non infrequens. Licet simillimus infra C 22. describendo, attamen essentialibus notis & formae momentis distinctifimus.

DESCRIPTIO.

Praecedente brevior & plerumque minor; nonnulli tamen subaequant.

Caput majus quam reliquis speciebus, subangulatum ante oculos marginatum supra antennas; *labio* supra os distincto producione. *Antennae* pilosae, extrorsum crassiores, articulo terminali minimo, conico, ferrugineo.

Thorax convexus, lateribus scabris anterius angulatis, antico posticoque margine truncatis ferrugineo ciliatis.

Elytra tota punctis imbricatis scaberrima, nervis singula quatuor scabratis, quorum duo dorsales obsoleti, laterales subcarinati, punctisque prominentissimis piliferis subserrati.

Pedes scabri, tibiis angulatis hispidis; *tibiae* anticae apice latae, biangulatae, interius bispinosae; *Tarsi* vix pilosi.

Pectus vix manifesto tomento canescens; caeterum totus aterrimus, nitidusculus.

Figura 15. majores hujus speciei refert; observavi autem, in australibus ad Volgam, varietatem *T. mortifago vulgari* haud crassiore, punctis muricatis elytrorum obsoletioribus, nervis obsoletissimis, vixque extimo subcarinato, ciliis thoracis pallidis.

C 16. *TENEBRIO SVBGLOBOSVS;*

Tab. C. Fig. 16. a. b.

Subglobosus, elytris toruloso - laevigatis; nervis subquaternis, extimis carinatis, crenulatis.

Tenebrio atra, aptera, rotundata, elytris sulcis tribus elevatis. **GEOFFR. paris.** I. p. 352.

Tenebrio variabilis LINN. *sys. XII.* p. 678. sp. 28. **GOETZE entom. I.** p. 677. sp. 28.

? *Pimelia rugosa* FABRIC. *entom.* p. 252. sp. 7. **GOETZE entom. I.** p. 688. sp. 10.

In limosis, torridis deserti tatarici australioris, a Tanaï usque ultra Iaicum haec species, praesertim circa vias, e vulgarissimis est insectis Majo & praesertim Iunio; omnium copiosissima circa Volgam. Lente, ut congeneres reliqui, incedit, interdu fere immobilis. Infestatur crebro Gordiis tenuissimis albis, qui, moriente infecto, plerumque singuli per anum erumpunt.

DESCRIPTIO.

Multo brevior & globosior praecedentibus, mole nucis avellanac mediocris; totus piceo niger & minus nitidus, plerumque limo inquinatus. Minus durus quam plerique congenerum.

Caput convexum. *Thorax* brevissimus, & corpore multo angustior, convexo - teretiusculus, laevis, antice posticeque truncatus, lateribus vix linea marginatus.

Elytra, cum corpore, ovato - subglobosa, obsita verruculis f. torulis obsoletis, magis minusve laevigatis, exarataque nervis a dorso in quolibet binis, plerumque obsoletissimis, binisque utrinque lateralibus carinatis, crenulatis; infra quos ora elytrorum inflexa plana, laevis.

Pedes scaberrimi, mediocres, tibiis hispidulis.

Figura nostra 16. a. ex dorso; b. a latere ad veram & solitam magnitudinem delineata est. — *Variat* species elytris saepe fere laevigatis, & interdum, quum valde scabra sunt, impressione per futuram longitudinali subdidymis.

NOTA.

LINNAEVS citatam speciem non satis determinatam praestitit, unde dubium synonymon moneo.

C 17. TENEBRIOS TORVLOSVS;

Tab. C. Fig. 17.

Ovato - subglobosus, elytris tuberculatis undique convexis, enerviis.

Inter insecta capensia, simul cum *Ten. setoso* C. 7. ad me delatus; videturque in Promontorio Africes inter rariores esse species.

DESCRIPTIO.

Magnitudine & forma proxime ad praecedentem accedit, circumcaesura totius corporis, cum thorace & capite, fere oviformi.

Caput tantum versus os marginatum, supra planum. *Thorax* laevis, brevissimus, laterali linea submarginatus.

Elytra dorso convexo - gibba, lateribus carina rotundata, infraque eandem tuberculis minimis confertis inaequalia; supra torulis majoribus, per series utrinque sex digestis, in regione scutelli laevigato-obsolutis.

Pedes robustiores, quam in antecedente. *Color* totius similiter piceus, parum nitidus. Vid. *Fig. 17.*

OBSERVATIO.

Pro complendo Tenebrionum genere addam descriptionem speciei praecedentibus affinis & sequentibus, quam e Mauritania quondam accepi, cuius vero specimen, nondum delineatum, inter alia perii:

TENEBRI^O (*chrysomeloides*) ovatus scaberrimus, thorace longitudinaliter rugoso, elytrorum porcis tribus verrucosis.

In furfuribus e Mauritania in nave casu adlatis repertus fuit Amsterdam.

DESCR. *Moles* fere glandis, circumcaesura Chrysomelae tenebricosae FAER. (FRISCH. inf. XIII. t. 22.) *Totus* ater, parum nitidus, inter scabritiem sordidus. *Thorax* cavis punetis sparsus, marginibus lateralibus crassis; supra planiusculus, lunula utrinque transversa, impressa notatus. *Elytra* connata, supra valde convexa, seriebus tribus punctorum prominentium, inter easque rugoso - scabra, utrinque ad dorsum lateribus carinata, acie serrulata. Lateraliter elytra planiora, punctato - scabra; pone obtusa. *Abdomen* vaginam corneam exserens. *Pedum* femora punctata, at tibiae scabrae: anticae, in altero maxime sexu, extimo extrorsum in angulum productae. *Antennae* mediocres, articulis 2. extimis crassioribus, terminali sublenticulari.

C 18. TENEBRI^O COSTATVS;

Tab. C. Fig. 18.

Subglobosus glabriusculus opacus, elytris singulis costis tribus crenulatis, extima carinata.

In torridis deserti caspici inter Volgam & Iaikum, imprimis circa salinas Tschaptchatschi & lacum Inderensem lectus, sed est e rarioribus insectis.

DESCRIPTIO.

Forma globoſo - ovata ſere Ten. globoſi, ſed depreſſior, paulo-que minor & durior; colore atro, opaco, ſine nitore.

Caput ſquamula, ſupra antennarum ortum, ſubauritum. *Anten- nae* breves, extroſum paulo cratiiores.

Thorax breviſſimus, non multo latior capite, adeoque corpore multo anguſtior, convexus, punc̄tis ſcaberrimus, antica & poſtica ora marginatus, ad latera vix linea prominula.

Elytra ſingula coſtis tribus argutis, crenato denticulatis (extima ſubcarinata); quarum intervalla plana, punc̄tis minutiflum, piliferis ſparsa. *Pedes* proportione, ut in Ten. globoſo; poſtici longiores.

Differentias formae a ſequenti ſpecie, proxime affini, optimè il- luſtrat Icon Fig. 18.

C 19. TENEBRI^O PVBESCENS;

Tab. C. Fig. 19.

Ovatus, lanuginoſus, opacus, elytris ſingulis coſtis qua- tuor denticulatis.

? *Tenebrio angulatus* LINN. *mus. regin.* p. 99. *Syſt. nat. XII.* p. 677. *fp. 22.*

? *v o e t.* *coleopt. I.* *tab. 39.* *fig. 52.* (Forma convenit).

In iisdem, cum praecedente, regionibus, nec frequentiorem, ob- ſervavi.

DESCRIPTIO.

Oblongior & magis ovatus, praecedente; ſupra aterrimus, opa- cus, totus, etiam elytris nigro - piloſiſſimus, pilo tenero lanugineo; ſubtus minus piloſus & obfoletius niger.

Antennae longiores, quam in praecedente, piloſae, filiformes. *Squamulae* nullae prominulae ad caput.

Thorax major, cylindricus & minus convexus, quam prioris, punctis prominulis crebris scaberrimus.

Elytra porcata costis (singula) quaternis, valde prominulis, crassiusculis, muricato - scabris, pilosissimis, & inter costas punctis sparsis, piliferis scabrata.

Pedes longiores, quam in praecedente; antici robustiores. Reliquas differentias comparativas ob oculos ponit Fig. 19.

C 20. TENEBRI_O LEVCOGRAPHVS;

Tab. C. Fig. 20:

Ovatus, thorace scaberrimo, difformi, elytris carinatis scabris, fasciis longitudinalibus albatis, laevibus.

Tenebrio leucogrammus PALL. itin. II. append. p. 719. n. 43. GOTZER entom. I. p 684. sp. 4.

In arenosis & limosis ad Irtis fluvium, supra Iamyscheva, frequentissimus Iunio; rarissime contra ad Iaicum & Volgam, itemque ad Selengam observatus fuit.

DESCRIPTIO.

Magnitudo & *forma* fere Ten. pubescens; a dorso minus convexus.

Caput majus, vertice foveolis aliquot impresso. *Antennae* filiformes.

Thorax muricato - scaberrimus, compressionibus duabus posticis difformis, dorsoque planiusculus.

Elytra nitidiuscula, exterius obtuse carinata, punctis acutis adspersa: fasciis laevigatis longitudinalibus utrinque a latere binis per totam longitudinem cano - albis, & a dorso tribus in singulo insignioribus, plerumque vix ad $\frac{1}{3}$ longitudinis albatis, versus basin sensim evanescentibus. In aliis tamen hae ultra dimidium, & in majoribus speciminibus (rarioribus), quale *Figura* 20. nostra exprimit, fasciae per totam dorsi longitudinem albatae, tomento vix manifesto.

Abdomen subtus canescit. *Pedes* proportione praecedentis; antici robustiores, tibiis exteriore margine denticulatis.

C 21. *TENEBRIOS SPINIMANVS;**Tab. C. Fig. 23.*

Thorace marginato laevi, elytris laevissimis postice obtusis, tibiis primoribus spina robustissima, arcuata productis.

In australibus Russiae circa Borysthenem a Cel. LAXMANN lectus, necumque amice communicatus fuit. — An Ten. gigas 14. LINNAEI? non satis determinatus.

DESCRIPTIO.

Magnitudo Ten. mortisagi, sed crassior & convexior, caeterum forma subfamilis.

Caput planum, laxe. *Antennae* longitudine thoracis, crassiusculae, moniliformes, extrosum articulis octonis sublenticularibus, crassioribus.

Thorax convexus, laevis, antice posticeque truncatus, marginibus lateralibus sere semicircularibus.

Elytra thorace latiora, laevissima, valde & aequaliter convexa, ut fere formam glandis referant, postice obtuso apice productiuscula. Lente inspecta instar corii cicatriculis, punctisve obsolete & levissime rugoso - scabra apparent.

Pedes robusti, breviores, quam in *T. mortisago*; *tibiae* anticae ultra tarbos productae in spinam extrosum inflexam, aequali fere *tibiae* crassitie pergentem. Reliquae *tibiae* apice, solito more, bispinosae.

Corpus totum aterrimum, nitidum, glaberrimum, durum. Conf. *Fig. 23.*

C 22. *TENEBRIOS ASPERRIMVS;**Tab. H. Fig. C. 22.*

Thorace convexo laevi, submarginato; clytris punctis muricatis inaequalibus, latere bicarinatis ferrulatis.

Pimelia angulata FABRIC. *entom.* p. 252. *sp. 6.*

Tenebrio spinosus FORSKAL *polh. zool.* p. 80. n. 13.

Ex Oriente acceptum communicavit Celeb. & Amiciss. BRÜNNICHE.

DESCRIPTIO.

Ita facie similis Ten. cephaloti C. 15. ut nisi coram collatis specimenibus & iconismis, haud facile distingui poscit. *Colore* aterrimo nitido & magnitudine similis est.

Caput minus grande, nec angulatum, ore minus producto. *Thorax* brevior & angustior, valde convexus, commissuris haud ciliatis, linea laterali arcuata multum infra dimidium posita.

Elytra paulo magis ovata, magisque muricata, punctis acutissime prominulis, subspinoscentibus, quorum majores per duo in singulo series dorsales & carinas utrinque duas laterales parallelas (quasi ferrulatas) dispositae, quibus singulis interjectae series ternae vel quaternae punctorum minorum, minusque prominentium. Pars elytrorum lateralis, infra carinas, plana, punctis minutis ordinatis scabra.

Antennae subpilosae; reliquum corpus glaberrimum. *Pedes* minus robusti, quam in Cephalote, & praesertim antice 4. minores. Reliqua patent e *Figura* C 23. priori C 15. collata.

C 23. TENEBRI^O LATICOLLIS;

Tab. H. Fig. C. 21.

Ovalis, depresso, aterrimus, laevissimus, thorace marginato, latissimo, antice excavato, postice truncato clytris substriatis.

Nuper inter Insecta Capensia, a Viro spectatissimo & amicissimo DN. *Guil. van der MEVLEN*, Amstelaedamo missa, accepi ad finem hanc Ten. hypolitho nostro, sed rite distinctam tamen speciem, quae non est Ten. tibialis LINN.

DESCRIPTIO.

Magnitudine aequat staturam maximam T. hypolithi, sed multo depresso, proportione sere Carabi.

Caput

Caput galea os tegente subsemicirculari. *Antennae* exiles, thorace fere breviores, moniliformes, incrassatae, articulo terminali globo-
so, ferruginco. *Palpi* subclavati.

Thorax magnus, latissimus, aequaliter convexus, laevissimus; antice pro capite excavatus, postice margine rectilineo elytris contiguo;
oris lateralibus, valde marginatis, in segmento circuli comprehensis.

Elytra thorace angustiora, laevigata, striis denis tenuissimis, sub-
punctatis.

Pedes robustissimi, laeves, postici majores; tibiae extremo incrassatae anci-
pites, anticae interiore acie crena incisae.

Insectum totum aterrimum, nitidiusculum, glaberrimum. Vid.
Fig. C. 21.

C 24. *TENEBRIOSILPHOIDES*;

Tab. H. Fig. C. 24.

Oblongiusculus, depresso - scaber, thorace la-
to marginato, elytris trinerviis, duplo - canaliculatis.

Tenebrio silphoides LINN. *syst. XII. p. 677. sp. 26.*

Cum praecedente, Promontorio Bonac speci, per Amic. Dn. G.
VAN DER MEYLEN accepi; LINNAEVS e Mauritania habuit.

DESCRIPTIO.

Magnitudo et facies Silphae fabulosae; *color* totius ater, sine nito-
re, nisi quem punctorum intervalla habent, subholosericeum.

Caput orbiculatum, impressione arcuata transversa, portionem ga-
leae ori vicinam distinguente. *Antennae* longiusculae, extrorsum crassio-
res, moniliformes. *Palpi* articulo terminali truncato clavati.

Thorax marginibus lateralibus planis, subadspersus dilatatus,
antice pro capite excisus, postico margine rectilineus, ab elytris inter-
vallo distans. Superficies tota thoracis, ut et capitis abdominisque pun-
ctis cavis confertis scabra.

Elytra basi truncata, nervis in singulo tribus prominentibus, lavigatis (praeter futuram et marginem) porcata, quorum medius, intra duos reliquos versus apicem concurrentes, terminatur. Intervalla, inter nervos, futuram, et marginem, singula serie duplii punctorum excavatorum crenata.

Pedes postici multo maiores, omnes *tarsis* piceis, subtus ferrugineis; tibiis teretibus, ferrugineo pilosis, posticorum interius subbarbatis. Conferatur caeterum *Fig. C. 24.*

C 25. TENEBRI^O BVPRESTOIDES;

Tab. H. Fig. C. 25.

Oblongus, laevissimus, thorace lato marginato, tibiis anticus latis crenulatis.

Tenebrio buprestoides PALL. itin. II. app. p. 719. n. 44. GOETZE entom. I. p. 684. n. 3.

In collibus arenariis desertorum australium; praesertim frequen-
tissimus et paulo major ad Irtin in fabuletorum tumulis circa Astragalum
Ammodyten collectis. Similem, sed vix Derm. lardario majorem, in
Dunis maritimis Belgii quondam observavi.

DESCRIPTIO.

Magnitudo paulo supra Silphiam fabulosam, quam figura paene refert; sed convexior et aterrimus, nitidiusculus, laevis. Subtus magis politus.

Caput latum, retusum, oculis fuggrundio cinctis, supra infraque prominul. *Antennae* extrorsum paulo crassiores.

Thorax brevis, corpore paulo latior, clypeo antice pro capite exciso; lateribus intra segmentum circuli terminatis, marginatis, argutif-
simis; postice rectilineus, elytris contiguus. Commissurae thoracis te-
nerrime fimbriatae. *Scutellum* conspicuum, transversum, quod vix in
alia specie.

Elytra marginata acie dupli, exteriore pilis subciliata, caeterum laetitia, punctis vix manifestis in 9 strias digestis, et subtilissimis sparsis per totam superficiem, etiam clypei.

Pedes hispiduli; *Tibiae* antice latiusculae, margine subdenticulatae.

C 26. *TENEBRI^O NOTOCEROS*;

Tab. C. Fig. 26. a. b.

Oblongus, albo - variegatus: thorace utrinque dentato, tubere supra caput; elytris postice gibbo utrinque conico.

Sepidium cristatum FABRIC. entom. p. 250. sp. 2. GOETZE entom. I. p. 688. sp. 5.

Ex Oriente acceptam communicavit Cel. et Amiciss. BRÜNNICHE, curiosissimam hancce speciem, quam, cum Tenebrione alexandrino *Forskalei* (postb. zool. p. 80. n. 12.) conjunctim, peculiari nomine generico dotavit FABRICIUS.

DESCRIPTIO.

Inter Tenebriones abnormi habitu species, forma generali convenit cum Attelabo Monocerote LINN. cum quo Tenebrionum affinitatem necesse videtur.

Caput majuscum, crassum, depresso, fronte excavata; sursum albatum, solo vertice nigro - variegato (ubi albedo derafa); et oculis testaceis, reniformibus. *Antennae* crassae, depresso, thorace duplo longiores, filiformes, albatae. *Labium* emarginatum canescens; *Maxillae* exterius planae; *Palpi* duo majusculi totidemque minuti, subtus e sinu oris prominuli.

Thorax (niger, albo - variegatus, subtus albus), utrinque spina plana, decurrente cruciatus, supra carinatus; antice supra caput auctus tubere tomentoso - albo, obtuso, subdidymo, lateribus nigro - impresso.

Elytra connata, compresso - ventricosa, albata, nigro - varia, singula carinis duabus prominentissimis, argutis, porcata, quarum exterior postice in prominentiam conicam, triquetram exit. Intervalla por-

corum rugoso-cayernosa, ut et spatium futurale; at pars lateralis elytrorum planiuscula, magis aequalis, tota alba, nervis 2 prominulis laevigato - atris.

Corpus subitus tomento albatum; abdominis loricae singulæ utrinque macula derasa nigra. *Pedes* proccri, teretes, inermes, toti albo obduicti; postici multo majores, tarsis tri - reliqui quadri - articulatis.

Formam anomalam insuper illustrabit icon *Fig. C. 26. a.* dorsalis, *b.* a latere delineata.

OBSERVATIO circa *Tenebriones generatim.*

Tenebrionum species plures, quam quisquam Entomologorum ex autopœia recensuit, in propria collectione servans, quotquot potui ico-nibus illustrandas esse putavi, ut genus hoc numerosissimum tandem certioribus speciebus innotesceret. Sed desunt mihi multae africanae et orientales, (in America enim, licet Mylaridum feracissima, veros dari *Tenebriones* nondum constat), apud auctores hucusque indicatae, at nullis pleraequæ iconibus illustratae, quas hic recensendas esse credidi, ut alii sensim icones suggerant, sine quibus species hujus generis nunquam rite constabunt, quippe multae inter se simillimæ a nostris omnibus evidenter distinctæ, sequentes fere sunt, exclusis nempe *Mylaridum* speciebus, et quas a *Tenebrionibus LINNAEI*, nomine *Scaritum*, recte segregavit FABRICIUS:

1. TENEBRI^O mortisagus LINN. satis notus, optime delineatus a FRISCHIO (*inf. XIII. t. 25.*)
2. TENEBRI^O gages LINN. *syst. XII. p. 676. sp. 14.* Blaps gigas FABRICIUS *ent. p. 254. sp. 1.* GOETZE *entom. I. p. 673. sp. 14.*
3. TENEBRI^O grossus LINN. *syst. XII. p. 676. sp. 16.* GOETZE *entom. I. p. 674. sp. 16.*
4. TENEBRI^O polychrestus FORSKAL. *posth. zool. p. 79. sp. 10.* GOETZE *entom. I. p. 685. sp. 9.* Blaps sulcata FABRICIUS *entom. p. 254. sp. 2.*
5. TENEBRI^O madraspatanus. PETIV. *gazoph. tab. 92. fig. 14.* Blaps excavata FABRICIUS *ent. p. 254. sp. 4.* GOETZE *entom. I. p. 690. sp. 18.*

6. TENEBRI^O spinosus LINN. *mus. reg.* p. 101. *Syst. XII.* p. 677. *sp. 24.*
GOETZE entom. I. p. 676. *sp. 24.* Pimelia spinosa FABRIC. *ent.* p. 252.
sp. 8.
7. TENEBRI^O carinatus. Pimelia carinata FABRIC. *ent.* p. 252. *sp. 10.*
8. TENEBRI^O collaris. LINN. *Syst. XII.* p. 677. *sp. 21.* GOETZE *ent. I.*
p. 675. sp. 21. Pimelia collaris FABRIC. *ent.* p. 252. *sp. 11.*
9. TENEBRI^O longipes. FABRIC. *entom.* p. 251. *sp. 3.* An Tenebrio co-
 thurnatus FORSKAL. *posth. zool.* p. 80. *sp. 11.* — Conf. Voet. coleopt. I.
tab. 39. fig. 51.
10. TENEBRI^O hispidus FORSKAL. *posth. zool.* p. 79. *sp. 8.* Pimelia hispi-
 da FABRIC. *ent.* p. 251. *sp. 2.*
11. TENEBRI^O rugosus LINN. *Syst. XII.* p. 678. *sp. 27.* GOETZE *ent. I.*
p. 677. sp. 27.
12. TENEBRI^O laevigatus LINN. *Syst. XII.* p. 678. *sp. 29.* GOETZE *ent. I.*
p. 677. sp. 29.
13. TENEBRI^O tibialis LINN. *Syst. XII.* p. 678. *sp. 31.* GOETZE *entom. I.*
p. 678. sp. 31. An Erodius planus FABRIC. *entom.* p. 259. *sp. 2.*
14. TENEBRI^O coeruleus LINN. *mus. regin.* p. 98. *Syst. XII.* p. 677. *sp. 19.*
 PETIV. *gaz. tab. 22. fig. 6.* GOETZE *entom. I.* p. 675. *sp. 19.* Helops
 coeruleus FABRIC. *entom.* p. 257. *sp. 1.* Forte ad Mylarides referenda
 species.
15. TENEBRI^O striatulus LINN. *Syst. XII.* p. 679. *sp. 33.* GOETZE *en-*
tom. I. p. 78.
16. TENEBRI^O alexandrinus FORSKAL. *posth. zool.* p. 80. *sp. 12.* Sepi-
 dium tricuspidatum FABRIC. *entom.* p. 250. *sp. 1.* GOETZE *entom. I.* p. 686.
sp. 11. et p. 687. *sp. 4.*
17. TENEBRI^O uncipes FORSTER. *nov. spec. Cent. I.* p. 60.
18. TENEBRI^O setipes. SEBA *thes. IV. tab. 82. fig. 15.* e maximis, Ten-
 muricato subsimilis, elytris porcatis et hispidis, tibiis longo mucrone setaceo
 ad tarsos elongatis. Iterata iconc et descriptione merito illustrandus.
19. TENEBRI^O Erodius. Erodius gibbus FABRIC. *entom.* p. 258. *sp. 1.*
 GOETZE *entom. I.* p. 691. *sp. 30.*
20. TENEBRI^O femoralis LINN. *Syst. XII.* p. 679. *sp. 32.* GOETZE *en-*
tom. I. p. 678. *sp. 32.* In Germaniae arenosis non infrequens; similis hypo-
 litho, sed minor, latiusculo thorace et pedibus posticis magnis distinctus.

21. **TENEBRI** gallicus. Ten. atra, aptera, coleoptris rugosis, pone acuminatis **GEOFFR.** par. I. p. 347. sp. 2. tab. 6. fig. 6. Forte Ten. hypolithi nostri varietas major, striis undulatis evidentioribus; forma caeterum similissimus.

Relinquo alias species nonnullas **GEOFFROI** et **FABRICII**, de quibus non satis constat, an vere ad Tenebriones nostros referri debant.



D I. *BVPRESTIS CHRYSITES*;

Tab. D. Fig. 1.

Crassa, aureo viridissima, elytris apice ferratis, rubris, basi inaequalibus, sterno antrorsum producto, conico.

Buprestis sternicornis varietas **LINN.** syst. XII. p. 660. sp. 5.

Buprestis mucronata **DEGEER** inf. IV. p. 136. tab. 17. fig. 25.

Buprestis Chrysis **FABRIC.** entom. p. 218. sp. 13. **GOETZE** ent. I. p. 586. 5 b.

Scarabaeus novus (inepte) **SCHROETER** Abhandl. zur Naturg. I. p. 335. tab. 2. fig. 3. **GOETZE** ent. I. p. 595. sp. 2.

Inter Insecta in littore cis-gangetico Indiae lecta non infrequenter adfertur, et sine dubio differt specie a Bupr. sternicorni **LINN.** itidem Indiae inquilina, sed quae plerumque ex Americae calidis adfertur, interque Iamaicensia Insecta apud **SLOANEVM** (Iam. II. p. 210. tab. 236. fig. 8.) recensita est.

DESCRIPTIO.

Scarabaeo Fullone major, multoque crassior Bupr. gigantea; e crassissimis et splendidissimis totius generis.

Caput inflexum, viridi-auratum, supra os marginatum, vertice punctis cavis sparsum. *Maxillae* piceae. *Antennae* longitudine thoracis, nigrae, articulis 4. infimis simplicibus, reliquis 7. ferrato-pechinatis, terminali submarginato.

Thorax convexo - gibbus, lateribus haud marginatus, aureo - viridislimus; undique punctis excavatis magnis, crebris sparsus; margine scutellari in angulum coactus, ipso scutello deficiente.

Elytra valde convexa, politissima sanguineo - rubra, basi exterius dilatata, versus apicem aliquoties subferrata, tota punctis minutissimis impressis obsita, foveolis versus basin, praesertim in regione scutellari, obsoletissimis inaequalia.

Pedes testaceo rubri, tarsis longissimis imbricatis.

Subitus corpus totum splendidissime viridi - aureum, sternum inter pedes secundi paris antrorsum mucrone conico, descendente, acutissimo, apice nigro productum; quod Ill. DEGEER figuris expressum est. Veram et praestantiorum magnitudinem et a dorso inspecti infecti circumscriptionem exprimit nostra Tab. D. fig. 1.

D 2. BVPRESTIS VARIOLARIS;

Tab. D. Fig. 2.

Crassa, aenea, pubescenti - scabra, elytrorum maculis impressis tomentosis, sterno mutico.

Scarabaeus Aleensis pilosus viridis, lineis albicantibus punctatis PETIVER gazoph. tab. 13. fig. 5.

Buprestis variolaris PALL. itin. I. app. p. 464. n. 37. GOETZE entom. I. p. 599. n. 14.

In australibus ad Volgam et Iaicum, locis montosis Junio mense observatur, frequentans Echinopem et Onopordum. Quod olim dixi, (Itinerar. l. c.) me eandem speciem ex India et Africa vidisse, corrigendum est, fallax enim memoria suggestit speciem capensem similem, sed tamen (ut nunc video) diversam, et cum Bupr. fasciculata forte conjugendam.

DESCRIPTIO.

Est e speciebus maximis, Melolontha saepe major; longitudine 1. II 1. III latitudine 6. III crassitie 4 $\frac{2}{3}$. III Forma tota simillima Bupresti fasciculatae, crassa, cylindraceo - oblonga.

Caput minusculum, inflexum, pubescens. *Antennae* tenues, filiformes.

Thorax gibbus, postice angulo scutellari notatus per medium impressus, et ruga longitudinali arguta carinatus, totus pubescenti-tomentosus, scaberrimus.

Elytra obtusa, valde convexa, punctis cicatricibus crebris scabrata, *areolis* orbicularibus impressis, inauratis, flavo-tomentosis, per quinque series digestis; e quibus una ad medium basin major, et oblonga in regione scutelli.

Pedes longiusculi, postici paulo minores; omnes tarsis elongatis.

Corpus subtus nitidius, totumque Insectum acneo-inauratum, ex-albido flaventi lanugine, subtus laxiore. Variat colore cupreo vel chalybato. Vide caeterum Fig. 2.

D 3. BVPRESTIS TATARICA:

Tab. D. Fig. 3. a. b.

Crassa, ovata aenea, elytris integris canaliculatis, fulcis tomentosis subobliquis.

Buprestis tatarica PALL. itin. I. app. p. 464. n. 38. GOETZE entom. I. p. 599. n. 15.

Nullibi praeterquam ad Lacum Inderensem, ubi frequentissima in muria perit et ad oram lacus egeritur, vivaque passim in maxime australibus ad Iaicum observata fuit.

DESCRIPTIO.

Omnium brevissima, ovata, magnitudine Searab. hirtelli, vel ultra. Longit. majoribus $7\frac{1}{2}.$ latitudo $4.$ crassities $2\frac{1}{2}.$

Caput subrotundum, secundum oculos canescens. *Antennae* thorace breviores, extrorsum paulo crassiores.

Clypeus convexus, lateribus gibbus, impressione ad scutellum; caeterum punctis vix conspicuis.

Elytra

Elytra laevia, striis longitudinalibus subtilissimis, exterius canaliculata sulcis latis, planis, cano - tomentosis; quorum unus exteriori margini parallelus, alter obliquior, in omnibus adsunt. *Posterior* hic aliis geminatus, et *accessorius* adhuc dorsalis, unde tunc elytra tota canaliculata. *Color* acneus obsoletior; tomento passim pallido, tenuissimo. *Fig. 3 a.* varietatem sulcis paucioribus, *3 b.* pluribus, exprimit.

D 4. *BVPRESTIS CANALICVLATA;**Tab. D. Fig. 4.*

Oblonga, crassiuscula, fusco - aenea; thorace elytrisque utrinque fascia impressa alba canaliculatis.

Frequentissimum Insectum circa Selengam et in Dauuria, rarius circa Ieniseam et Irtin lectum; ubique flores frequentat. — Convenient proxime cum Bupr. linearis LINN. *Syst. XII. p. 663. sp. 28. DEGEER IV. p. 137. tab. 17. fig. 26.*

DESCRIPTIO.

Oblongior et angustior *Bupr. rusticæ*, maxime postice angustata, elytris tamen apice obtusis. *Corpus* crassiusculum. *Scutellum* transversim oblongum. *Thorax* laevis, postice angulo scutellari, fulco medio et utrinque lata impressione longitudinali, per *elytra* continuata eorumque margini parallela, quae vel virescente aerugine, vel albido - irrorata est. *Nervi* 2. prominuli obsoletiores in singulo elytro et in quibusdam *fulcus* alias latus, futurae parallelus, item fundo albidus.

In majoribus ad 7.¹¹ longis, fulci omnes saepe obsoletissimi, etiam in thorace; minimae 4³.¹¹ profundius canaliculatae.

Color fusco - aeneus, subtus cupreus, lateribus flavo - tomentosis.

D 5. *BVPRESTIS IVNCEA;**Tab. D. Fig. 5.*

Linearis aeneo - nigra, frontis thoracisque fossa excavata, elytris linearis - acuminatis, longitudinaliter biconvexis, obtusis.

Inter Insecta Indica ad me pervenit, sed incerta patria.

DESCRIPTIO.

Longitudo 7.^{III} latitudo summa, ad elytrorum basin, vix 1³/₄.^{III}
Color subtus tater, politus, supra obsolete niger, et subaeneus, sine ni-
tore ullo.

Forma singularis. Caput inter oculos excavatum, triangulo ab ore
adscendente polito.

Thorax brevis crassusculus, lateribus margine flexuoso terminatus,
fovea in medio dorso oblonga, undique abrupta.

Elytra longissima (sola 5¹/₂.^{III}) extremo linear - adtenuata, apice
obtusa, per totam longitudinem medio obtuse carinata, unde Insectum
supra longitudinaliter biconvexum et secundum futuram velut convalle
canaliculatum. Punctum utrinque politum ad scutellum. Pedes breves.
Vid. fig. 5.

D 6. BVPRESTIS CARIOSA;

Tab. D. Fig. 6.

Depressa, atra nitida, thorace dilatato albido - scabro;
 maculis laevigatis pluribus, elytris albido - lituratis.

Buprestis cariosa P A L L. itin. III. app. p. 708. n. 52.*

In arenis Anketeri dictis; inter Kumam et Terek fl. satis fre-
 quens Majo, Cotinum florentem amans.

DESCRIPTIO.

Magnitudo inter nostrates gigantca; forma Bupr. marianae; de-
pressa, durissima, nigra nitida. Longitudo 1.^{II} 3.^{III} latitudo 6.^{III}

Caput inter oculos punctis cariosis albidum. Antennae planae, fer-
ratae, longitudine thoracis.

Thorax lateribus convexo - dilatatus; corpore paulo latior, su-
pra albido - cariosus: arcis laevigatis atris, 2. ad caput, 2. orbiculatis,
mediaque lanceolata in disco, tribus ad posticum marginem, quarum me-
diae insculptum punctum cordatum profundum.

Elytra postice subangustata, obtusa, striis grossius punctatis exarata, sparsaque lituris albido - cariosis, passim inauratis.

Pedes subacquales, robustissimi; tarsis latis, utrinque profunde ferratis. Reliqua illustrabit Icon Fig. 6.

D 7. *BVPRESTIS TENEBRIOIDES*;

Tab. D. Fig. 7.

Depressa, nigra, thorace dilatato scabro, areolis quatuor politis, antennis incrassatis.

Buprestis tenebrionis LINN. *Syst. XII.* p. 661. *Sp. II.* GOETZE *entom. I.* p. 588. n. 11.

Tenebrio variegata LEPECH. *itin. I.* p. 373. *tab. 17. fig. 7.*

Cucujus ater, thorace scabro, pulvere albicante consperso, elytris obsolete striatis GEOFFR. *par. I.* p. 128. (e Languedocia).

SCHAEFFER *ratisb.* *tab. 205. fig. 5.*

Ad Volgam in floribus observatur passim, in calidioribus, herbidis.

DESCRIPTIO.

Perquam similis praecedenti, at essentialiter diversa antennis, aliisque characteribus, et longe minor; longitudine vix $7\frac{1}{3}.\text{III}$ latitudine thoracis $3.\text{III}$ Nigra, subopaca.

Caput laeviusculum. *Antennae* longitudine capitinis, extrorsum crafiores, dentatae.

Thorax crassus, lateribus dilatato - gibbus, supra scaber, canescens, punctis laevigatis atris quatuor magnis, imprestoque ad scutellum.

Elytra obtusa, striis interruptis, vel punctatis, obsoletioribus. *Pedes* proportione minus robusti. Confer. caeterum *Figura nostra 7.*

D 8. *BVPRESTIS HIVLCA;*

Tab. D. Fig. 8.

Fusco - aenea depreßa, scabritie subtus aurata; thorace elytrisque longitudinaliter rugoso - hiulcis, areolis elytrorum geminis impressis cupreis.

Buprestis mariana LINN. Syst. XII. p. 660. sp. 6.

SCHAEFFER ratisb. tab. 49. fig. 1. et tab. 128. fig. 3.

? *Buprestis Virginiensis DRVRY illustr. I. tab. 30. fig. 3. GOETZE entom. I. p. 596.*

In sylvis pineis, praeferunt circa Obum fluvium, observatur rarius. *SCHAEFFERI* synonemon ipse ad Marianam suam citavit LINNAEVS inter addenda ad calcem Tom. II. *Systematis*, et convenit definitio systematis. Plane aliud Insectum sub *B. marianae* denominatione delineavit Ill. DEGEER, cuius locum infra ad D 10. allegabo.

DESCRIPTIO.

Post *B. variolarem* et *cariosam*, nostratum maxima: longitudo 1.^{II} 1¹/₂.^{III} latitudo 5¹/₃.^{III} Subtus punctis, lineolisque impressis, aeneo - aureis, creberrimis carioso - scabra; supra nigra, subaenea.

Caput rugis 2. crassis inter oculos longitudinalibus, interjecto fulco profundo, aureis punctis scabroto.

Thorax rugis obsoletissimis quinis longitudinalibus, quarum intervalla punctis cupreis scabrata. Foveolae depressores versus posticos angulos. *Sternum* fulcis 2. longitudinalibus.

Elytra rugis obsoletis, longitudinaliter subconfluentibus; inter quas valleculae magis minusve cupreo - scabrae.

Figuram 8. hujus speciei comparationis gratia inferui, et erat jam tabulae inserta, priusquam Schaeferianas vidi, caeteroquin optimas.

D 9. *BVPRESTIS AVRATA;**Tab. D. Fig. 9.*

Oblonga, depresso-angula, aurata, elytris fulcatis, integris,
obtusis.

Buprestis aurata PALL. *itin. II. app. p. 719. n. 45.*

? *Cucujus viridi - auratus, striatus* GEOFFR. *paris. I. p. 126. tab. 2. fig. 2.*
(sed multo minor nostratis).

? SCHAEFFER *ratisb. tab. 35. fig. 6.* (itidem nostra minor et pessime co-
lorata).

In australibus ad Iaicum et Volgam aliquoties observata, ubi flo-
res frequentat, sed rarissima. SCHAEFFERI iconem inter synonyma
addititia ad Bupr. aurulentam suam (americanam) citavit LINNAEVS.

DESCRIPTIO.

E majoribus europaeis, longitudinem $10\frac{3}{4}.$ ''' latitudinem $3\frac{4}{5}.$ ''' ac-
quare solet. *Corpus auratum viridissimum, splendidissimum; elytris ver-
sus latera cupreis. Dorsum sub elytris viridi aureum.*

*Anteunae vix thorace longiores. Tibiae teretes, pubescentes.
Clypeus punctis tribus impressis, discei duobus, tertio scutellari; at in po-
tiore sexu foveolae quinque symmetrice positae, et forma oblongior.*

*Elytra integerrima, decemfalcata. Vagina ani paulo ultra elytra
prominula. Caeterum conf. Fig. 9.*

D 10. *BVPRESTIS ACVMINATA;**Tab. D. Fig. 10.*

Oblonga aenea, punctis carioso - aureolis varia, thora-
ce dilatato, obsolete rugoso, elytris longe acuminatis, truncatis.

Buprestis mariana LINN. *Faun. suec. II. 754. DEGEER inf. IV. p. 128.
tab. 4 fig. 18.*

PETIVER. *gazoph. tab. 2. fig. 2.*

SCHAEFF. *ratisb. tab. 35. fig. 7.* (male expressa).

In Russia Sibiriaca citeriore, locis sylvosis non infrequens; contra in Dauria non observata est, ubi sequens abundat.

DESCRIPTIO.

Magnitudo Bupr. rusticae, paulo latior, et (dempto postico acuminis) brevior. Durissima, tota cupreo - aenea, inaurata scabra.

Caput planiusculum, punctis duobus verticis politis fusco - aeneis. *Antennae* thorace breviores, filiformes, articulo bascos aeneo.

Thorax latericus gibbosus - dilatatus, supra rugis derafis planis, fusco - aeneis, politis, longitudinaliter parallelis, quatuor vel subsenis, interdum lateralibus interruptis.

Elytra striis sulcata, inter strias alternis punctis laevigato - fuscis, caeterum cupreo - aenea scabra; postice producta acuminis sublineari, truncata, subemarginata.

Corpus subtilis magis cupreum; abdomen postice acuminatum, lineis 2. sub apice laevigato - fuscis. *Pedes* robusti, cupreo - aeni. — Videatur Fig. 10.

D II. BVPRESTIS OXYPTERA;

Tab. D. Fig. II.

Oblonga, aenea, carioso - inaurata; elytris striatis, subacuminatis, praemorsis; thorace laevi.

Mordella gigantea SCOPOL. carn. n. 187.

? *Buprestis austriaca* LINN. syst. XII. p. 661. sp. 9.¹

In tota Russia et Sibiria in pinetis aridis ubique occurrit, frequentius in Dauria.

DESCRIPTIO.

Simillima praecedenti, cuius tamen neque varietatem, nec sexu adsinem dixerim. Semper major, latior elytris, sed thorace angustiore, minusque lateribus gibbo. Caeterum minus quoque aurulenta et inelegantior *B. acuminata*, licet facie et elytrorum punctis laevigatis, inter

striae alternis conveniat; ut et scabritie acneo - cuprea, et duritie totius corporis.

Antennae paulo longiores, magisque ferratae. *Clypeus* lateribus parum gibbus, scaber, ad posticum marginem inaequalis, rugis nullis, sed stria plerumque unica polita, per medium longitudinali. *Elytra* basi convexiuscula, subacuminata, sed multo breviore acumine, quam praecedentis, et acute praemorso.

Differentias formae docebit *Figura* 11. praecedenti collata.

D 12. *BVPRESTIS RVTILANS*;

Tab. D. Fig. 12.

Depressa, cyaneo - viridissima, lateribus aurea, splendida, thoracis elytrorumque punctis nigro - aeneis glabris.

Cucujus auratus striatus GEOFFR. pars. I. p. 126. sp. 3. tab. 2. fig. 2. (exclusis synonymis).

Buprestis rutilans FABRIC. mantiss. p. 235.

In arbustis circa Choper et Tanaïn fluv. Iunio sub ardentissimo sole frequens; alias non obvia.

DESCRIPTIO.

Pulcherrima et splendidissima inter europacas omnes. *Magnitudo* infra Bupr. rusticam. *Desuper* inspecta, medio longitudinaliter viridissimo - sericea, lateribus aureo - rutilans; *ex obliquo* visa medio splendide cyanea, lateribus dilute viridi - aurea. *Subtus* pedibusque tota cyaneo viridique variante splendidissima.

Thorax punctato - scaber, lineola media et punctis sex nigris glabris.

Elytra striata, punctisque impressis scaberrima, punctis (ut in praecedentibus duobus) nigro - aeneis glabris, inter alternas striae sparsis, subquadratis notata, apice ferrulata, praemorsa. — Caeterum consultatur *Figura* 12. sed color pictoria vix ulla arte exprimendus.

D 13. *BUPRESTIS OCTOMACVLATA;*

Tab. D. Fig. a. b.

Depressa, nigro - aenea, elytris striatis obtusis, abdōmineque flavo - maculatis, thorace flavo - submarginato.

Buprestis flavo - punctata DEGEER. inf. IV. p. 129. sp. 2. GOETZE ent. I. p. 597. n. 12.

Frequentissimam legi in pinetis ad Occam, Julio 1768. alias rarius, nec unquam in Sibiria orientali. Rectissime hanc speciem a Bupr. octoguttata LINN. distinxit Ill. DEGEER. In truncis prostratis arborum expeditissime ad solem discurrit et volat.

DESCRIPTIO.

Magnitudo et forma Bupr. rusticae, sed minus nitida, e chalybato vel cupreo - aenea. *Caput* plerumque circulo gemino flavo frontis contiguo.

Thorax subtilissime, punctatus, stria laevigata obsoletissima. *Clypeo* margo anticus, versus latera, rarius laterales flavi.

Elytra integra, obtusa, sulcata, maculis longitudinali serie digestis flavis, binis, ternis, quaternisve, disformibus et passim confluentibus varia.

Abdomen utroque margine flavo - dentatum, et subtus in medio dupli ordine macularum.

Varietatem maculis distinctis quatuor parium Fig. 13. a. at in lunulas confluentibus iisdem Fig. 13. b. exprimit.

D 14. *BUPRESTIS OCTOGVTTATA;*

Tab. D. Fig. 14.

Depressa coeruleo - chalybata, elytris striatis praemorsis, quadriguttatis; abdominis punctis, thoracisque oris lateralibus flavis.

Bupre-

Buprestis coeruleascens, thoracis lateribus flavis, elytris singulis maculis 4.
LINN. itin. scan. p. 23.

Buprestis coerulea, nitida, macularum quatuor paribus flavis VODMAN
nov. spec. p. 21. n. 42.

Buprestis octoguttata LINN. syst. XII. p. 659. sp. 2. Faun. II. n. 753.

Buprestis albopunctata DEGEER inf. IV. p. 132. tab. 4. fig. 20. (mala).

LEPECHIN. itin. II. p. 323. tab. 10. fig. 5. 6. (Varletas minor, sexguttata);
Elater octavus SCHAEFER. ratisb. t. 31. f. 1.

In pinetis arenosis passim, etiam ad Irtin fl. observata, constans
sine notabili variatione.

DESCRIPTIO.

Paulo minor praecedente, cui simillima, sed angustior, elegan-
tior, tota chalybis politissimi instar coerulea, nitida. Clypei margines
tantum laterales latius flavi. Elytra singula punctis vulgo quatuor distin-
ctissimis guttata, quarum unum ad ipsam basin; praeterea macula exte-
rioris marginis latera quoque pectoris occupans. Abdomen punctis flavis
serie quadruplici. Figuram 14. addidi, ut praecedenti melius conferri
queat.

D 15. BUPRESTIS PICTA;

Tab. D. Fig. 15.

Depressa aenea, elytris trinerviis, maculis multiformibus
symmetricis flavis.

Buprestis picta Pall. itin. II. append. p. 719. n. 46. GOETZEN entom. I. p. 599.
n. 17.

In maxime australibus ad Iaicum aestate flores frequentat; alibi
non observata.

DESCRIPTIO.

Magnitudo praecedentis; sed forma simillima Bupr. chrysostigmati,
nisi pone acutior. Tota obsoletius aenea, maculis subtus nullis.

Caput canescens. Thorax stria obsoletissima, nitore subcupreo.
Elytra trinervia, maculis quatuor parium: primi paris axillares, quasi

e tribus, (subinde distinctis), compositae; proximae futurae approximatae, majusculae; hinc tertio punctum utrinque exteriori margini vicinum, et demum versus apicem lunatae, apicibus convergentes, saepe bipartitae. Hae melius apparent in *Figura 15.*

D 16. BVPRESTIS CHRYSOSTIGMA;

Tab. D. Fig. 16.

Depressa, elytris quadrinerviis, areolis impressis aureis, femoribus anticis crassis, unidentatis.

Cucujus fossulis impressis GEOFFR. parif. I. p. 125. sp. r.

Buprestis chrysostigma LINN. syst. XII. p. 660. sp. 7. Faun. II. n. 755. SVZER gen. t. 6. f. 39. DEGEER inf. IV. p. 129. n. 3.

In sylvis borealioribus a Russia usque in Dauuriam, sed rarius, observatur. Paulo minorem europaea, stigmatibusque obsoletioribus, alias simillimam, Noveboraco Americes accepi.

DESCRIPTIO.

Magnitudo proxime Bupr. octoguttatae, sed quaedam individua minora. Depressa; subtus medio viridissimo - aurea, versus margines, ut et pedibus, elytrorumque ora, nitidissime cuprea; supra aeneo-nigra.

Frons canescen - albida. *Thorax* postice sinuatus vel lobatus. *Stria* capitis, thoracisque longitudinalis, arguta.

Elytra scabriuscula, nervis quatuor longitudinalibus, suturaque prominula; nervorum extimus margini, interior suturae parallelus, medii extremo in unum conjuncti, abbreviati, bis interrupti: areolis cuneo - inauratis, impressis, subquadratis.

Dorsum sub elytris splendissime coeruleum. *Femora* antica crassa, subtus dente crasso angulata.

Variat haec species, quam pro comparatione praecedentis in *Tabula* adjeci (*Fig. 16.*) elytris politis, laevioribus, vix mediis nervis postice conspicuis; qui videntur *Mares.*

D 17. BVPRESTIS ORICHALCEA;

Tab. D. Fig. 17.

Crassiuscula oblonga, aeneo - varians, elytris subferratis, laevibus, thorace subtrilobo, dorso abdominis splendide cœrulo.

BARREL. icon. plant. tab. 966.

Major, quam Figura exprimit, frequens e Lacus Inderiensis muria legi potest; alias rarissime in australibus Tatariae desertis occurrentes. At minor, quae semper est cupreo-splendida, ad Irtin in Robinia Halodendro florente, et in Dauuria totiusque Sibiriae ulterioris australioribus satis frequens est.

DESCRIPTIO.

α. MAIOR: Circumscriptione aequat B. marianam, sed est crassiuscula, utrinque convexa. Thorax elytris fere latior, convexus, laevissimus, postico margine subtrilobus. Elytra per series punctata, apice ferrulata. Haec varietas subtus viridissime aurea; supra thorace elytrisque vel totis, vel extremo, obscure viridi-splendidis, basi in quibusdam violaceo-chalybea, nitidissima. Longitudo $7\frac{1}{2}.$ "

β. MINOR: Cuprea; modo viridi, aeneo-variens; modo cupreo undique nitore pura. Posterioribus, quae saepe 5 lin. minores sunt, elytra apice subpraemorsa, vix evidenter ferrata. Dorsum, sub alis, in omnibus cyaneo splendidissimum; ut et in *α.* quam solam delineandam curavi, Fig. 17.

D 18. BVPRESTIS TERETICOLIS;


Tab. D. Fig. 18.

Crassiuscula, aurato-viridissima, polita; thorace antice cylindraceo; elytris laevissimis praemorsis, apice aureo-rutilis.

Inter alia Insecta, pro Brasiliensi, transmissa a Celeb. DRVRY, Londinensi.

DESCRIPTIO.

Oblongior majore praecedentis varietate α . Minus dura congeneribus reliquis, tota ex aurato-viridi-cyanea, splendidissima. Caput minusculum. Thorax versus caput coarctatus, teretusculus, postice latior, angulis exquisitis, et impressione obsoletissima intra angulos. Elytra subventricosa, politissima, striis punctisve conspicuis nullis, postice subacuminata, aureo-rutila, apice praemorsa. Abdomen subaureum, maxime dorso sub elytris. Alae fuscae. Pedes tenues, posticii maiores. Vide Figuram 18.



E I. MELOE ERYTHROCNEA;

Tab. E. Fig. 1.

Aptera, nigra; elytris dehiscentibus, excavato-punctatis; femoribus rubris.

In jugo campestrì inter Samaram et Iaïcum excurrente, observata Majo 1773. alias nunquam obvia.

DESCRIPTIO.

Magnitudo Proscarabaei minoris, eidemque valde similis. Sed caput et thorax scaberrima. Thorax supra subquadratus, impressionibus tribus longitudinalibus, subparallelis. Elytra ad scutellum connata, late delihscentia, punctis magnis, excavatis, distinctis. Corpus totum nigrum, nitidulum; Femora coccineo-rubra, tantum ad ipsa genicula nigra. Antennae extrorsum paulo crassiores. Vide Tab. E. Figuram I.

E. 2. MELOE VRALENSIS;

Tab. E. Fig. 2.

Aptera, atra, minuta; elytris basi connatis laevissimis.

Meloë uralensis PALL. itin. II. app. p. 722. n. 56.

An Meloë viennenis SCHRANK. observ. p. 71. 2

Primo veris initio, ante Proscarabaeum, totoque Aprili cum eodem promiscue abundat in collibus circa Vpham, inque Vralensium et altaicarum alpium apricis. Odore subviolaceo, sed debilissimo, dotata.

DESCRIPTIO.

Magnitudo muscae carnariae, imo saepe vix M. domestica major; tota atra, parum nitida, sed laevis et glaberrima. *Forma* Proscarabaei, sed elytra proportione majora, laevissima, exterius carinata; et *Caput* latius. *Thorax* supra planiusculus, medio longitudinaliter et utrinque lacuna obsolete impressus. *Abdomen* marginatum. *Antennae* in utroque sexu filiformes, non fractae. *Pedes* maiores feminis. — Specimen quod *Figura 2.* nostra expressissimum, giganteum in sua specie est, qualia rarius occurunt.

E 3. *MELOE PLAGIATA*;

Tab. E. Fig. 3.

Alata, pubescenti - atra, elytrorum maculis orbicularibus baseos, plagiisque duobus transversis flavis; antennis extremo ferrugineis.

? *Cantharis Cichorii* DE GEER *Ins. V. p. 17. tab. 13. fig. 2.*

Ex India orientali acceptam Amicus e Belgio transmisit, inter alios. Cum sequentibus hucusque confuse sub *Meloës Cichorii* nomine comprehensa fuisse videtur, vere licet distincta species.

DESCRIPTIO.

Est e maximis inter adfines; tota aterrima, nitidaque, licet atra lanugine pubescentis. *Antennae* basi nigrae, extrorsum crassiores, parte incrassata (sex articulorum) fulvo - lutea. *Thorax* a dorso planiusculus, subbiangulatus, mediaque stria notatus; antice haud productus, utrinque foveola obsolete impressus. *Elytra* polita, piceo - atra, postice latiora; ad basin macula cuiuslibet in medio orbiculata flava, et fasciac duae latae, ad futuram interruptae, seu plagae transversae ejusdem coloris, quarum prior paulo ante medium; posterior latissima, apici

E 4. MELOE PHALERATA.

proxima. *Pedes* atri, longiores quam in sequentibus. — Magnitudo et pictura elytrorum *Figura 3.* nostra accurate expressa sunt. — — *Degeeriana* differt eo, quod elytrorum basis tota indicetur flava, videturque potius distinctam speciem constituere, inter has priores et *M. lunatam* intermedium, nisi sit gigantea varietas *Meloës* variabilis.

E 4. MELOE PHALERATA;

Tab. E. Fig. 3. b.

Alata, pubescenti - atra; elytrorum maculis quatuor basos, fasciisque duabus undulatis flavissimis.

Inter Insecta orae cisangeticae Indiae hanc transmisit *Illustr. Lib. Baro de Rengers.* Species a praecedenti distinctissima, propius ad sequentem accedit, et ab Entomologo hucusque nullo rite distincta fuit.

DESCRIPTIO.

Magnitudo praecedentis. Differt: atro *Colore* minus nitido, languine tenuiore; *antennis* paulo brevioribus, totis atris; *thorace* antice productiuseulo angustiore, posterius a dorso didymo; *elytris* opaco - atris, ad basin singulis macula dorsali orbiculata, et ad lateralem marginem ovali; *fasciis* dein non interruptis, undulatis, angustioribus, ab apice remotioribus, aequali latitudine parallelis; *pedibus* denique minus longis, robustissimis, et anticorum tibiis antice canescenti - lucidis. Caeterum *elytra* postice latiora, subcompressa, ut in affinibus; et color fasciarum macularumque aurulente luteus, totaque elytrorum facies tenerrima hirsutie holofericea, quod, non in antecedenti.—Caetera indicat *Fig. 3. b.*

E 4.* MELOE BIVNDVLATA;

Tab. H. Fig. E.* 4.

Alata, pubescenti - atra; elytrorum maculis quatuor basos, fasciolisque duabus undulatis fulvis.

? *Meloë Cichorii* LINN. *Amoen. acad. V. tab. 3. n. 188. 5.*

Inter Insecta capensia frequens adfertnr, colore; fasciis et reliquis criteriis a praecedentibus constanter distincta, licet simillima, et apud Entomologos pro una cum iisdem specie vulgo habita. LINNAEI icon potius ad hanc, quam praecedentem pertinere videtur.

DESCRIPTIO.

Paulo major praecedentibus, corpore elytrisque etiam latior; et omnino maxima inter Meloides alatas. *Antennae* valde incrassatae, apice incandescentes, sed totae nigrae. *Thorax* antrorsum adtenuatus, teretusculus, posterius a dorso planiusculus, nec didymus; totus, ut et corpus, brevissima lanugine holosericeus. *Elytra* vix evidenter lanuginosa, sine nitore aterrima, *maculis* ad basin orbiculari a dorso, et ad marginem lateralem oblonga; dein *fasciis* multo angustioribus, quam praecedentis, magis undulatis, a se invicem remotioribus, obscure fulvo-luteis. *Tibiae* anticae canesceni - argentatae, ut praecedentis, a qua praeferim thorace, situ colore et latitudine fasciarum, et crassitie corporis paulo- majore, differt; unde pro varietate vix potest haberi et icone illustranda erat: *Tab. H. Fig. E. 4.* *

E 5. MELOE LVNATA;

Tab. E. Fig. 5. a. b.

Alata, pubescenti-atra; elytrorum area lunata, fasciisque duabus subconfluentibus flavis.

Haec quoque species inter Capensia Insecta satis frequens ad nos defertur.

DESCRIPTIO.

Paulo minor praecedentibus, multoque brevior, et proportione crassior. *Antennae* magis clavatae, quam prioribus, totae fere fulvae, praeter infimam tenuissimam partem fuscam. *Thorax* suborbiculatus, a dorso convexus, adeoque diversus ab omnibus praecedentibus; totus, cum corpore, fusca lanugine pubescens. *Elytra* vix evidenter holosericea, nitidula; *area* communi lunata, concavitate scutellum spectante

dorsali, et utrinque parva *macula* ad lateralem marginem basilari, *fasciis-*
que duabus latis, subundulatis, a dorso circa suturam plerumque du-
 plici isthmo confluentibus, gryseo-flavis. — In quibusdam etiam area
 lunata cum priori fascia, fasciaeque inter se late confluunt, ut *Fig. 5. a.*
 minori gradu indicat; plerumque distinctissima eadem, ut in *Fig. 5. b.*
 a dorso elytra sola exprimente. Rarius etiam fasciae inter se *distinctae*.
 Tibiae anticae hinc incanac. Alae ferrugineo-fuscae.

OBSERVATIO.

Ab omnibus ipsis distinctissimus est *MELOE capensis LINNAEI*, mihi
 quoque probe cognitus, sed cuius specimen in promptu nullum nunc
 est, unde icon adjici non potuit. Descriptionem olim exaratam hic
 interim addo:

Magnitudo infra priores omnes, nec multo supra Attel. apia-
 rium. Tota aterrima, pubescens. *Elytra* vix lanuginosa, singu-
 la ad basin *macula* prope scutellum *lunata*, extrorsum spectante, cui
 opposita *linearis*, ad oram lateralem; dein maculae 2. *suturales*, commu-
 nes, transversim oblongae, et utrinque *duae* aliae, his alternae, paulo
 anteriores, marginique lateral i insistentes. Alae nigricantes. — *LIN-*
NAEI descriptio in *Mys. regin.* p. 104. expressione tantum differt.

E 6. MELOE QVATVORDECIMPVNCTATA;

Tab. E. Fig. 6.

Alata, nigra, cano-pubescent, elytris gryseo-pallidis,
 vitta utrinque axillari, punctisque subdenis nigris.

Attelabus polymorphus *Pall. itin. I. app. p. 466. n. 44. B.*

Frequentissimum Insectum ad Montes altaicos et Irtin fl. in Ha-
 lodendro et Meliloti, cum sequenti aliisque Meloidibus promiscue. Nun-
 quam aliena copula junctam vidi; nec in aliis, ubi sequens datur, regio-
 nibus aequre frequens observatur, unde specie distinctam esse constat;
 licet ad aliquas sequentis varietates similitudinem referat insignem.

DE

DESCRIPTIO.

Magnitudo paulo infra Attelabum apiarium; aliquando gracilior sequente, et lanugine per totum corpus incandescente, non atra, diversa. *Thorax* perfecte cylindraceus, coarctatus. *Elytra* gryseo - flavente pallida, a dorso evidentius pubescentia; *fasciola* abbreviata, seu oblonga macula ab axilla descendens, margini laterali parallela, et saepe nigredine orae basilaris elytrorum usque ad scutellum continuata. *Huic maculae*, versus futuram, oppositum *punctum*; *duo puncta* in medio clytro, et *duo*, cum interiecto minutissimo, versus apicem nigro - marginatum. — *Variat* haec species colore rarius intensiore, lutescente elytrorum. Ceterum inspice Fig. 6.

E 7. MELOE VARIABILIS;

Tab. E. Fig. 7. 14. a. b.

Alata, pubescenti - atra, elytris luteis nigro - fasciatis, apiceque atris.

Meloë fasciatus F V E S L I N. helvet. 398. tab. fig. 1. a. b. c. d. (Varietates).

S V L Z E R hist. inf. p. 66. tab. 7. fig. 11.

Cantharides fasciatae I M P E R A T. hist. nat. p. 921. fig.

Flores varios frequentat haec species, estque in australibus Russiae atque totius Sibiriae, mensibus Maio atque Iunio tanto copiosior, quanto rarius in Europa occidentaliore occurrit.

DESCRIPTIO.

Vulgatissima facies haec est: *Magnitudo* praecedentis, vel paulo major, saltem crassior; tota aterrima, lanugine quoque atra. *Thorax* teretiusculus, convexus, impressione nulla. *Antennae* ut in affinibus extorsum crassiores, depressiusculae. *Elytra* postice latiuscula, subcompressa, gryseo - lutea, quasi oleo inuncta, *fasciis* 2. undulatis, et apice toto atra, (nigredine apicis anterius repanda, uti fasciae). Talem maxime vulgarem exprimit Fig. 7. eandemque F V E S L I N loc. cit. Fig. 1. a.

L

a. *Variat* haec interdum fascia priore angustiore, vel interrupta et in maculas magis minusve coarctatas, tres vel quatuor, dissecta, ut FVESLIN l. c. Fig. 1. a. habet.

b. *Major* varietas rarius in maxime australibus ad Iaicum lecta fuit, elytris gryseis, immaculatis, vel tantum apice nigris (Fig. 14. a.), vel insuper fascia undata posteriore praedita (Fig. 14. b.); in utraque adest punctum utrinque axillare unicum nigrum. Hanc etiam FVESLIN loc. cit. Fig. 1. b. observavit.

γ. Datur apud nos etiam *minuta*, varietas, quam delineavit FVESLIN l. c. Fig. 1. c. ad Irtin et Volgam praeferit observabilis.

An Nylabris trimaculata FABRIC. ent. p. 261. hujus forte var. α - β ?

E 8.* MELOE FLORALIS;

Tab. H. Fig. E. 8.

Alata, pubescenti - atra, elytris macula baseos apicisque, intermediis fasciis binis pallidis.

Attelabus polymorphus PALL. it. I. app. p. 465. n. 44. α . GOETZE ent. I. p. 422. n. 2.

Clerus SCHAEFFER. ratishon. tab. 151. fig. 3.

? FVESLIN. helvet. Tab. fig. 1. e.

Hanc in Germania quoque passim, sed rarius observabilem speciem, copiose alunt regiones herbidae australiores ad medium Volgam et circa Vralensia promontoria, ubi promiscue cum antecedentibus in floribus et plantis, praeferit Diadelphis, occurrit Majo.

DESCRIPTIO.

Forma et *magnitudine* refert omnino Mel. punctatam; thorace magis terci quam proxime praecedentis: *Lanugine* vero tota fusca pubescit, et pedes paulo robustiores, lanugine magis hirsutos habet. *Elytra* atra, nitidiora quam in praecedente, nec dehiscentia, situ et colore (magis pallida) fasciarum diversa. *Macula* in singulo elytro orbicularis

ad basin, et transverse ovalis in apice; *fasciae* inter has aequidistantes duae undulatae, sutura nigra interruptae, contraque laterali ora usque ad basin pallida connexae. Neque sexus diversitas ulla in his apparet.

β. In Sibiria *varietas*, ut videtur, hujus *minuta*, fasciis flavis maculisque latioribus et saepe inter se varie confluentibus, apicis macula minuta, magnitudine infra Mel. bivulneram, frequens occurrit; contra abest descripta prior, quae Germanicae simillima est.

E 8. *MELOE SPLENDIDVLA*;

Tab. E. Fig. 8.

Alata, coeruleante atra, pubescens, elytris luteo - fasciatis maculatisque.

Parvula, sed elegans species in regionibus transbaicalensis, praesertim Dauria, frequentissime in plantis et floribus, cum M. speciosa occurrit.

DESCRIPTIO.

Minuta, statura M. bivulnerae, et magnitudine fere aequa variabili. Variabilis etiam elytrorum pictura. Totius *color* coeruleante ater, sericeus, nitidus, tenui lanugine nigra obumbratus. *Elytra* plerumque (ut in *Figura 8. nostra*, quae summam speciei magnitudinem exprimit) posterius fasciis binis latis, flavis signata, quarum prior ad margines non perducta, antrorsum, altera retrorsum arcuata, unde aliis dilatatae medio inter se confluent in aream ephippii specie. In quibusdam accedit macula ad singuli elytri basin orbicularis. At in non paucis flavedo ita disfluxit, ut tantum supersint maculae elytrorum nigrae, dispositae fere ut in M. sericea: nempe dorsales 2. communes, utrinque 2. laterales, majores et apex elytrorum totus niger, cum ora lateral.

E 9. *MELOE SPECIOSA*;*Tab. E. Fig. 9. a. b.*

Alata, coerulante atra, pubescens; elytris subcoccineis, maculis punctisque sericeo - atris.

Meloë festiva FALL. *itin. II. append. p. 721. n. 54. var. a. GOETZE entom. I. p. 702. n. 6.*

Pulcherrima haec species Iunio in campestribus ad Irtin abundat, in Robinia praesertim Halodendro, dein Rosis, Astragalis et Meliloti. In Dauuria major, hirsutior, colore subdiversa, varios frequentat flores, non minus crebra.

DESCRIPTIO.

Vulgo M. vesicatoria crassior, et dauurica (*Fig. 9. b.*) ad maximas hujus generis accedit. *Forma strictior masculis. Antennae longiusculae*, extrorsum crassiores. *Corpus praeter elytra totum, cum sericeo-viridi, vel subcoerulante nitore atrum, lanugine fusca dauuricis, canescente ad Irtin lectis. Thorax versus scutellum leviter impressus. Elytra subcompressa*, modo lacte coccinei sed pallidioris, modo lateritii coloris, maculis atris, vix sericeo - nitentibus, minusculis, constantibus nisi magnitudine et quod subinde in fascias cohaerescant. — In singulo elytro *macula* ad basin oblonga, lateralis et rotunda suturalis a scutello remotior; tres in medio, quarum suturac proxima minor et duae subcohaerentes, quae saepe in maculam transversam, margini adhaerentem confluxerunt; puncta denique duo versus apicem nigro - marginatum. Atque haec distincta omnibus; contra maculac ad basin et in medio in dauuricis subinde in duas fascias coalitae.

Dauurica (*Fig. b.*) hirsutior, nitore ex coerulo, atro constanter differt; Irtinensis virescente splendidula (*Fig. 9. a.*). In alpinis frigidis Dauuria dantur paulo minores, degeneres, elytris pallidioribus, maculis minutis, pluribus saepe oblitteratis, ita ut quibusdam tantum supersit punctum axillare, suturale, macula parva medii marginis et punctum minutum extremitatis exterius. Apex elytrorum his vix extima ora nigret.

E. 10. *MELOE SERICEA*;*Tab. E. Fig. 10.*

Alata, sericeo - virescens, lanuginosa, elytris coccineis dorso pallidioribus, maculis subconfluentibus margineque nigris.

Meloë festiva, variet. β. PALL. itin. II. p. 721.

Ad Irtingum cum praecedente promiscue et copiosissime, eodemque tempore in iisdem plantis observatur. Copula tamen semper distincta, et in Dauuria ulterioreque Sibiria plane deest.

DESCRIPTIO.

Praecedente triplo minor, strictiorque, plane cylindracea, capite paulo majorc. *Facie*, colore ac forma thoracis et antennarum adeo similis, ut alterum sexum diceres, nisi in utraque specie diversi sexus convenienter, constantibus differentiis.

Thorax huic aequalis, subinde puncto gemino obsoleto impresso. *Elytra* angustiora, nitidiora, intensius coccinea, plerumque secundum futuram exfoletiora. *Maculae* eodem situ, ac in praecedenti, sed magis diffuentes, nitidius viridi - sericeae, connexae limbo elytrorum undique nigro. *Color corporis* splendidior, e viridi - serico ater. — Quantum a praecedente differat e collata *Fig. 10.* nostra facile appetet.

E 11. *MELOE CALIDA*;*Tab. E. Fig. 11.*

Alata, pubescenti - atra; elytris latiusculis croceis, basi punctis geminis, maculisque duabus reniformibus nigris.

Chrysomela Cichorii HASSELQVIST. itin. p. 449. n. 101. (vere haec!)

In maxime australibus ad Volgam et Iaïcum circa Centaureas et Echinopodas florentes non infrequens. Minor et macula postica saepe obliterata, alias simillima, in Sibiriae orientalis, Dauuriaque calidioribus occurrebat. LINNAEI Meloë cichorei certe non est haec, licet HASSELQVISTIVM citet.

DESCRIPTIO.

Saepe ad maximas statuta accedit, transverso pollice major; sed inconstans magnitudo. Praeter elytra, tota aterrima, nigraque lanugine pubescens. Antennae paulo longiores extrorsumque crassiores, quam in subsequente, alias simillima; Corpus etiam huic crassius. Elytra extremo latiora, magis compressa, nec quidquam dehiscentia, intense lutea, nunquam apice vel margine nigra. Puncta versus basin elytrorum quatuor transverso ordine; macula reniformis in medio singuli elytri, aliaque similis posterius, sed ab apice valde remota, rarius in punctum et maculam diuisa. -- Figura 11. nostra insigniorem magnitudinem exprimit, quam non multo excedit haec species.

E 12. *MELOE MELANVRA*;

Tab. E. Fig. 12.

Alata, pubescenti - atra; elytris luteis, basi punctis geminis, macula reniformi, apiceque nigris.

Meloë quadripunctata LINN. *Syst. XII.* p. 680. sp. 6.

PALL. *itin. II.* *append.* p. 722. n. 54. b. varietas.

In maxime australibus ad Volgam et Iaicum occurrit, florentes Centaureas frequentans. Simillima praecedenti, sed constanter macularum situ diversa.

DESCRIPTIO.

Par Mel. speciosae, adeoque secundae magnitudinis. Insectum practer elytra totum, etiam lanugine, aternum, attamen politum. Thorax cylindraceus et caput vix discretum, ut in his omnibus, quae antennas subclavatas habent. Elytra extremo compressiuscula, testaceolutea, constanter macula reniformi terminali seu apice toto atra. In medio macula reniformis singuli elytri (saepe in duo puncta inaequalia divisa), versusque basin puncta aequidistantia, transverso ordine posita simul quatuor, ut in praecedenti.

E 12.* *MELOE SOLONICA*;

Tab. H. Fig. E. 12.*

Alata, pubescenti - atra, elytris luteis, vitta punctoque baseos, maculis 2 reniformibus, terminalique ora nigris.

In Dauuria calidioribus sat frequens; nec fere alibi observata; unde, licet simillimam duobus praecedentibus et non gravioribus criteriis, quam istae inter se, discrepantem, specie tamen distinguendam censeo.

DESCRIPTIO.

Magnitudo et *forma* apprime praecedentis. *Thorax* dorso, puncto in medio impresso, quod non praecedenti. *Lanugo pectoris*, femorumque certo adspectu canescit, quod pariter non in praecedentibus. *Elytra* intensius lutea, versus basin puncto utrinque ad futuram, et prope marginem lateralem *fasciola* abbreviata longitudinali, a basi descendente; *macula* in medio reniformis magna; altera, puncto interius stipata, versus apicem, sed ab ipso apice, cuius ora fusca, satis remota; ut in *M. calida*. *Elytra* apice valde dehiscunt, ut in *M. speciosa*.

E 13. *MELOE CROCATA*;

Tab. E. Fig. 13.

Alata, pubescenti - atra, elytris subventricosis croceis, punctis duodecim nigris.

Meloë lutea PALL. *itin. II. app. p. 722. n. 546.* GOETZE *entom. I. p. 702.*
n. 7. (exclusa Variet.)

In Sibiria australiore campestri, maxime inter Irtin et Jeniseam, frequentissima species; at in Russia, saltem mihi, vix observata. Nunciavit vero nuper *Amiciss. HABLIZL*, in hortis circa Astrachani facie frequentissimam et nocivam esse, misitque specimina Sibiricis solitis minora, pulcherrime crocea. In Sibiria haec species amat Haloden-

dron, Melilotum aliasque leguminosos et labiatos flores. *Oleum* geniculatis, ut affines omnes, fundit flavissimum, Coccinellae contritae odore.

DESCRIPTIO.

Praecedentibus plerumque paulo minor, et *magnitudine* admodum variat, saepe ut 1 : 3. *Thorax* obsoleta impressione versus scutellum subtripunctatus. *Corpus* latius, elytra ventricosiora, quam praecedentibus, necquidquam dehiscentia. *Insectum*, praeter elytra, totum cum lanugine exquisite atrum. *Elytra* intense crocea, singula punctis nigris trium parium, plerumque distinctissimis; quorum primum ja basi remotius, secundum paulo majus in medio, tertium par versus apicem minuscum, ordine obliquo positum. In raris paria media, interdum et basilare, subconfluunt. In minoribus etiam puncta plerumque exigua.

E 14. *MELOE BALTEATA*;

Tab. F. Fig. E. 14.

Alata, nigra subpubescens, elytris luteis, basi, puncto, fascia media, apiceque nigris.

Ex ora cis-Gangetica Indiae satis copiose inter alia Insecta adfertur, et a variis inter Belgas amicis communicata fuit.

DESCRIPTIO.

Magnitudo paulo supra *Mel. variabilem* et quaedam specimina vix superant. *Forma* brevicula, fere ut *Mel. lunatae*. *Corpus* atrum brevissimo tomento lanuginosum. *Caput* valde discretum, ob thoracem ante angustatum. *Antennae* tantum basi adtenuatae, caeterum crassae, apice acutissimae. *Elytra* latiuscula, postice subventricosa, ab domine breviora, nec dehiscentia, lutea, basi trilobato - atra, *fascia* media lata, et *lunula* terminali in apice atris. *Atomus* niger utrinque medio inter basin et fasciam, in minoribus evidentior; at in majoribus, qualem *Fig. E. 14.* exprimit, perexiguus.

E 15. *MELOE OCELLATA*;*Tab. E. Fig. 15.*

Alata, cano - lanuginosa, elytris pallidis, punctis duodecim ocellaribus.

Meloë ocellata PALL. *it. II. app. p. 721. n. 53.* GOETZE *entom. I. p. 702. n. 5.*

In australibus aridis ad Iaïcum rarissime observata.

DESCRIPTIO.

Magnitudo et forma Mel. floralis. Corpus nigrum, cano - lanuginosum. Pedes testacei. Caput et thorax lanugine e cano pallida obnubilata. Elytra pallida, punctis in quolibet trium parium, dilutiore halone cinctis: intervallis halonum fuscescente inquinatis, unde obsolete ocellata apparent. In postico pari punctorum interiora majora.

E 15.* *MELOE ARABICA*;*Tab. H. Fig. E. 15.**

Alata, glabriuscula, atra: antennis subclavatis rufis, elytris luteis, basi octo - punctatis, fascia apiceque nigris.

Inter Insecta Arabica a FORSKOLEO lecta adlatam, accepi.

DESCRIPTIO.

*Magnitudo proxime Mel. variabilis, sed brevior, fere glabra, tenuissimo et vix conspicuo tomento canescens, certoque adspectu toto corpore atra. Oculi fusci. Antennae valde incrassatae rufo-luteae, basi tenuiore fuscae. Thorax antice non adtenuatus, subquadratus. Scutellum nigrum. Elytra ochreo-lutea, subholosericea, singula puncto basiliari paulo exterius; dein tribus transversim in quincuncem positis, quorum medium posteriusque reliquis majus est; tunc fascia paulo pone medium transversa, vix undulata, ad futuram intersecta; denique toto apice nigro. Caeterum vide Fig. E. 15.**

E 16. *MELOE ATRATA*;

Tab. E. Fig. 16.

Alata, aterrima, pubescens, elytris apice fasciaque postica flavo - luteis.

Meloë atrata PALL. *itin. II. append.* p. 722. n. 55. GOETZE *entom. I.* p. 702. n. 8.

?*Meloë Gouani* LINN. *additam.* p. 1068. n. II. GOETZE *ent. I.* p. 701. n. 1.

Copiose occurrebat ad Irtin, in *Gypsophila paniculata*, *Dracocephalo thymifloro*, *Nepeta ucranica* et *Clematide florentibus*; nec alibi per Sibiriam oblata.

DESCRIPTIO.

Distinctissima ab omnibus praecedentibus et sine omni varietate species; constanti fere semper *magnitudine*, dimidio circiter minor Mel. variabili. *Thorax aequalis. Elytra* pone subventricosa, compressiuscula, *fascia* versus apicem undulata, maculaque in ipso apice fulvo - luteis. Caeterum aterrima, etiam lanugine, et nitidula.

E 17. *MELOE FENESTRATA*;

Tab. E. Fig. VI. a. b.

Alata filicornis, lutea, pectore fusco, elytris apice nigris.

Meloë fenestrata PALL. *itin. II. append.* p. 720. sp. 47. GOETZE *entom. I.* p. 703. n. II.

Cum maculis (*Fig. VI. a.*) in australibus ad Iaïcum, circa Saratschik collecta fuit; sed varietatem immaculatam in Hyrcania legit G MELINVS, eademque paulo minor (*Fig. VI. b.*) ad inferiorem Tanaïn Vmbellas Libanotidis satis copiose frequentat Iulio. Genicula oleiflua.

DESCRIPTIO.

Magnitudo saepe paulo infra praecedentem. *Facies* et *antennae* *Cantharidis*; *thorax* latiusculus, suborbiculatus convexus, *stria* impressa

longitudinali. Insectum totum testaceo - luteum, glabrum. Pectus subpubescens, basis abdominis in medio, oculique nigra; antennae, tarsique pedum fusci. Elytra magis grysea, apice semper nigra: at in orientaliore varietate, quae Tanaense paulo major est, maculae insuper in singulo elytro duae quadratae nigrac.

Fig. 17. a. Varietatem Iaicensem maculatam, *VI. b.* Tanaensem, minorem, immaculatam refert.

E. 18. *MELOE QVADRIMACVLATA*;

Tab. E. Fig. 18.

Alata, filicornis atra, elytris luteis, nigro bimaculatis.

Meloë quadrimaculata PALL. *itin. II. app. n. 47.* GOETZE *entom. I. p. 703.*
n. 12.

♂. Meloë bimaculatus LINN. *syst. XII. p. 680. sp. 9.* (Varietas bipunctata).

Pyrochroa bimaculata DEGEER. *inf. V. p. 22. tab. I. fig. 18.*

In australibus Russiae totiusque Sibiriae occurrit Iunio, frequens in Centaurea Scabiosa et Spiraeis florentibus. Oleum in geniculis stillat more congenerum, odore coccinellae contritae.

DESCRIPTIO.

Magnitudo Cantharidis fuscac, nisi brevior; dantur autem multae statura pygmeac. *Facie* magis, quam reliquae congeneres, ad Cantharides accedit; Capite tamen discreto, postice angulato subcordato ad Meloides pertinet, ut et thorace elytris multo angustiore, depresso- sculo. *Corpus* totum aterrimum, glabrum, nitidum, solo pectore subpubescente. *Thorax* convexiusculus, aequalis. *Antennae* setaceae, cum pedibus nigrae. *Elytra* latiuscula, subacuta, gryseo - lutea, plerumque singula maculis duabus subquadratis, una pone alteram, aequidistantibus.

Quibusdam, praesertim minoribus, maculae semi - oblitteratae, parvulac; ut priorum loco saepe vix litura superstet. Interdum desunt omnes maculae, superstite litura postica, ut in M. necydalea; quam *Varietatem LINNAEVS* et *DEGEER* descripsisse videntur. Denique in

Dauria extrema minutum legi specimen, elytris plane immaculatis. Perfectissimam faciem exprimit Tabulæ nostræ Fig. 18.

E 19. *MELOE NECYDALEA*;

Tab. E. Fig. 19.

Alata, filicornis atra, elytris subacuminatis rubris, puncto versus apicem nigro.

Meloë necydalea PALL. itin. II. append. p. 720. n. 49. GOETZE entom. I. p. 704. n. 13.

Ad Irting fluvium aliquoties observata Majo; sed sporadica.

DESCRIPTIO.

Magnitudo et forma fere praecedentis, sed caput et thorax angustiora, cum corpore atra. *Antennae* filiformes nigrae. *Pedes* testacei vel subrubri. *Elytra* intense rubra, vel subtestacea, abdome paulo breviora, apice dehiscenti - acuta. *Litura* fusca postica, non omnibus.

E 20. *MELOE TRIVITTIS*;

Tab. E. Fig. 20.

Alata coerulescenti - atra pubescens; elytris pallidis, fasciis simul tribus longitudinalibus, vidente - atris.

Meloë trifascis PALL. itin. II. append. p. 721. n. 52. GOETZE entom. I. p. 702. n. 4.

In maxime australibus ad Iaicum rarius occurrit.

DESCRIPTIO.

Magnitudo fere M. Clematidis. *Caput et thorax* angustiora, convexa, et *antennae* extrorsum crassiores, fere subclavatae, ut in M. Cerocoma foemina; quo maxime differt. *Color* sericeo - ater, cum nitore virescenti - chalybato, canescente lanugine obductus. *Elytra* gryseo - pallida, fasciis simul tribus longitudinalibus, viridi - sericeo nigris; quarum

communis futuralis, extremo subcapitata, apicem elytrorum non adtingit; laterales per elytrorum medium obsoletissime flexuofae, apicem pariter non adtingunt, mediae interdum connexae. — Distinctas fascias *Fig. 20.* nostra expresimus.

E 21. *MELOE BIVITTIS*;

Tab. E. Fig. 21.

Alata filicornis aeneo - atra, elytris luteis, fascia longitudinali obliquata, violaceo - atra.

Ad Montes altaicos in australioribus occurrit rarius.

DESCRIPTIO.

Magnitudo et forma sere M. Clematidis. *Caput, thorax, corpus coerulescenti - nitida, atra, tenuissima superinducta lanugine canescente. Pedes extremo picci. Elytra gryseo - lutea, singula fascia longitudinali violaceo - atra, postice emarginata, apicem non adtingente, anterius versus axillas obliquata, acuta.* Vide *Fig. 21.*

E 22. *MELOE MAVRA*;

Tab. F. Fig. E. 22.

Alata, filicornis, atra glabra, elytris gryseo - flavis immaculatis.

Meloë algiricus LINN. syst. XII. p. 681. sp. 11.

Mylabris immaculata FABRIC. entom. append. p. 826.

Mihi inter Insecta capensis bis transmissa fuit per amicos in Belgio; videtur itaque per Africam universam extensa esse species.

DESCRIPTIO.

Magnitudo Mel. vesicatoriae, sed magis cylindracea. Corpus glabrum, atrum. Caput vix discretum a thorace, suborbiculari convexo. Antennae extrosum paulo crassiores, praesertim articulo terminali ob-

longo - acuto. Pedes tarsis folito longioribus. Elytra convexa, apice subdehiscentia, gryeo - flava, immaculata. Vid. Fig. 22.

E 23. *MELOE BIVVLNERA;*

Tab. E. Fig. 23.

Alata, sericeo - coerulescente atra, elytris macula postice futurali fulvo - lutea.

Attelabus bimaculatus P A L L. itin. I. append. p. 466. n. 45. GOETZE en. tom I. p. 423. n. 3.

Cantharis parva viridis, elytris ad apicem maculis 2. flavis rhombicis L E P E C H I N. it. I. tab. 16. f. 11. p. 509. GOETZE ent. I. p. 542. n. 2.

Minuta ad Volgam copiosa, paulo major ad Irtin; at magnitudinem Mel. atratae aequans, imo superans, ad Ieniseam occurrit. Viget Iunio, simul cum Mel. variabili, florali, pluribusque affinibus. Ad Irtin in Astragalo austriaco, simul cum Mel. albivitti abundat.

DESCRIPTIO.

Magnitudo summa, quam Fig. nostra 23. exprimit; sed superat vulgo, numerus minorum, immo occidentales vix Dermestem violaceum aequant. Tota tenerrime pubescens et ex atro - cyanea, vel obscure viridi sericea. Elytra ejusdem coloris, singula macula oblongo - ovali, fulvo - lutea, postice ad ipsam futuram. Antennae subclavatae.

E 24. *MELOE CAVCASICA;*

Tab. E. Fig. 24.

Alata filicornis, atra; thorace tereti, elytris fulvis tri-punctatis.

In arboretis circa Caucasum observata rarius.

DESCRIPTIO.

Omnibus congeneribus gracilior et magis cylindracea; Attelabo formicario vix major. Caput, thorax suburceolato - cylindraceus, et

corpus aterrima, polite glabra. Antennae longitudine elytrorum vel longiores, setaceae. Pedes longiusculi, tenues. Elytra convexa, fulvo-lutea, singula punctis duobus versus basin minoribus, majorique pone medium. — Inspiciatur Fig. 24.

E 25. *MELOE CLEMATIDIS;*

Tab. E. Fig. 25.

Alata filicornis, aeneo - atra, pubescens; elytris gryseo-lutescentibus immaculatis.

An Meloë algiricus LINN. PALL. itin. II. append. p. 720. n. 51.

Meloë Clematidis GOETZE entom. I. p. 701. n. 3.

In campis torridis ad Irtin, supra Clematidem orientali affinem, acerrimam, Iunio pascitur, minus tamen frequens, et aliis locis nunquam visa.

DESCRIPTIO.

Meloëdi Crambes *magnitudine et forma* simillima, tota tenuissime pubescens; attamen politissime chalybato - atra, subcyanea cum splendescientia. *Pectus* lanugine incanescit. *Thorax* supra inaequalis. *Elytra* gryseo - lutea, flexilissima, immaculata. *Figura* 25. exactissima est.

E 26. *MELOE CRAMBES;*

Tab. E. Fig. 26.

Alata filicornis, sericeo violacea; thorace rufo, subdido, pubescente.

Meloë syriacus LINN. mus. reg. p. 102. syst. XII. p. 680. sp. 4.

Meloë alatus violaceus, elytris adtenuatis, thorace rubro hispido GRONOV. zoophyl. II. n. 620.

In australioribus regionibus inter Tancin et Volgam, in Crambe, quae Tataria hungarica CLVSII, florente abundat initio Iunii; alibi nusquam visa. GRONOVIUS e Bohemia habuit.

DESCRIPTIO.

Nostratisbus *magnitudo* circiter Meloidis Cerocomae; sed dantur paulo maiores, itemque minores, aliquae vix supra Cantharidem sanguineam. Insectum totum, praeter pedes nigros et elytra, tenuissime pubescit. *Caput* nigrum vix chalybatum. *Antennae* filiformes, extremo articulo vix crassiore. *Thorax* obsolete ruber, nitidus, postice subdidymus, medio disci lacuna impressa. *Corpus* violaceo - nigrum. *Elytra* mollia, nitidiora, violaceo - sericea. *Figura* E 26. optime expressa est.

E 27. *MELOE ERYTHROCYANA*;

Tab. E. Fig. 27. a. b.

Alata filicornis; capite, thorace bipunctato, artubusque rubris, elytris violaceis.

PALL. itin. II. p.328. (male pro Mel. syriaca recentita).

In lucis et graminosis calidis ad Iaicum, Volgam et Tanaïn australiorem, maximeque ad Caucasum initio Iunii occurrit, Vicias Lathyrosque rodens.


DESCRIPTIO.

Omnium alatarum in Europa *maxima*, duplo saepe major M. vesicatoria; et maximis hujus exemplis nunquam inferior, quae minima. Fere glabra, *lanugine* pectoris paene inconspicua. *Caput* subdidymum, antice coccineo - rubrum, sed ore, cum area oculos ambiente, posticaque facie, quae thoracem respicit, piceum. *Antennae* rubro - testaceae, filiformes, extrorsum vix crassiores. *Thoracis* elyptus convexus, coccineo - ruber, nigro - marginatus, supra punctis 2. impressis nigris. *Elytra* violaceo - sericea, interdum virescentia. *Corpus* atrum nitidum. *Pedes* longiusculi, testacei, geniculis fuscis.


Fig. 27. a. Insectum majoris staturaे a dorso, *27. b.* a latere visum sistit.

SCARABAEI.

Tab. 4.




Scat. R. A. BAEI. CIRCULIONES. Tab. B.




D. R. Nülichmann del.

J. G. Sturm sc.



BIPRESTES.

Tab. D.



MELODIES.

Tab. E.

